

Llais Ogwan

Papur Bro Dyffryn Ogwen

Rhagfyr 2015

Rhifyn 461

50c

Nadolig 2015

A ninnau'n glyd yn huno o gyrraedd
Hen gweryl a'r mudo,
Mae angen llety heno
Ar frawd a yrrir o'i fro.

Dilwyn Owen

GWASANAETH NADOLIG CYMUNEDOL yng Nghapel Jerusalem

Nos Sul, Rhagfyr 20
am 7:00p.m.

Dewch i ddathlu'r Wyl yng nghwmni

Côr Meibion y Penrhyn

Côr y Dyffryn

**Corau Ysgol Dyffryn Ogwen
ynghyd ag unigolion.**

• Mynediad am ddim •

Gwneir casgliad at Adeiladu Ysbyty
yn yr India

Croeso cynnes i bawb.



Cystadlu Brwd a Safon Uchel



Elin Cain Roberts o'r Gerlan, enillydd Medal yr Ifanc, a Ffion Gwen Williams o Llanefydd, enillydd y Gadair.

Cafwyd Eisteddfod lwyddiannus eto Celeni, efo'r beirniaid a'r gynulleidfa yn canmol safon y perfformio yn y cystadlaethau llwyfan. Roedd canmol hefyd ar ansawdd y gwaith celf a chreffft a'r cynnyrch llenyddol. Braf oedd gweld Elin Cain o'r Gerlan yn derbyn Medal yr Ifanc am waith a gafodd gryn glod gan feirniad Adran Llên yr Ifanc, Dr Rhodri Llŷr Evans, Rhos y Nant. Yr ail yn y gystadleuaeth oedd Buddug Watcyn Roberts, Pen y Ffriddoedd, Tregarth a dderbyniodd sylwadau cymeradwyol iawn. Enillydd y Gadair oedd Ffion Gwen Williams o Llanefydd ger Dinbych. Cafodd ei cherdd gynganeddol ganmoliaeth uchel gan Aneirin Karadog, beirniad yr Adran Llên Agored. Enillydd y Fedal Ryddiaith oedd Lowri Williams, Bethesda, a derbyniodd hithau eiriau cefnogol iawn gan y beirniad. Nid oedd Lowri'n medru bod yn bresennol ar y noson gan ei bod dramor. Hoffai pwyllgor yr eisteddfod ddiolch i'r

ysgolion am bob cefnogaeth eto eleni, gan gynnwys yn arbennig y Ddawns Flodau gan blant Ysgol Abercaseg a Gorsedd y Beirdd gan bobl ifanc Ysgol Dyffryn Ogwen. Cafwyd cydweithrediad hwylus o bob cyfeiriad. Hefyd, gwerthfawrogir cefnogaeth y rhieni a pherthnasau eraill i'r plant a'r bobl ifanc.

Derbyniodd y ddau gyfarfod, ar y nos Wener a'r dydd Sadwrn, gefnogaeth dda, a'r gynulleidfa yn y naill a'r llall wedi cael mwynhad o'r perfformiadau. Mae'n amlwg bod arlwy'r nos Wener yn apelio, efo ymddangosiad y cystadleuwyr ar y canu, y llefaru a'r perfformiadau offerynnol mewn trefn gymysg yn rhoi gwedd gyngherddol i'r noson. Yn ystod cyfarfod dydd Sadwrn, manteisiwyd ar y cyfle i gydnabod Rhian Roberts am ei gwasanaeth nodedig fel cyfeilydd.

Mae rhan o'r rhifyn hwn wedi ei neilltuo ar gyfer lluniau o'r eisteddfod.

Nadolig Llawen a Blwyddyn Newydd Dda i'n Holl Ddarllenwyr

Dilynwch ni ar Trydar: @Llais_Ogwan • Newyddion • Digwyddiadau



Llais Ogwan

PANEL GOLYGYDDOL

Derfel Roberts
☎ 600965
✉ hylaw@btinternet.com

Ieuan Wyn
☎ 600297
✉ cylch@tiscali.co.uk

Lowri Roberts
☎ 600490
✉ l.roberts11@btinternet.com

Dewi Llewelyn Siôn
☎ 07940 905181
✉ dewision@hotmail.co.uk

Fiona Cadwaladr Owen
☎ 601592
✉ Fiona@fowen.wanadoo.co.uk

Siân Esmor Rees
☎ 600427
✉ sian_esmor@btinternet.com

Neville Hughes
☎ 600853
✉ nev_hughes@btinternet.com

Dewi A Morgan
☎ 602440
✉ dewimorgan@live.co.uk

Trystan Pritchard
☎ 07402 373444
✉ trystanrp1@gmail.com

Walter W Williams
☎ 601167
✉ waltermenai@yahoo.co.uk

SWYDDOGION

Cadeirydd
Dewi A Morgan, Park Villa,
Lôn Newydd Coetmor,
Bethesda, Gwynedd LL57 3DT
☎ 602440
✉ dewimorgan@live.co.uk

Trefnydd Hysbysebion
Neville Hughes, 14 Pant,
Bethesda LL57 3PA
☎ 600853
✉ nev_hughes@btinternet.com

Ysgrifennydd
Gareth Llwyd, Talgarnedd,
3 Sgwâr Buddug, Bethesda
LL57 3AH
☎ 601415
✉ garethllwyd197@btinternet.com

Trysorydd
Godfrey Northam, 4 Llwyn
Bedw, Rachub, Llanllechid
LL57 3EZ
☎ 600872
✉ godfreydnortham@hotmail.co.uk

Y Llais Drwy'r Post
Owen G Jones, 1 Erw Las,
Bethesda, Gwynedd
LL57 3NN
☎ 600184
✉ post@llaisogwan.com

Nid yw pwyllgor
Llais Ogwan
na'r panel golygyddol o
angenrheidrwydd yn cytuno
â phob barn a fynegir gan
ein cyfranwyr.

DYDDIADUR Y DYFFRYN

RHAGFYR 2015

19 Ffair Nadolig. Neuadd
Ogwen am 9.30y.b.

20 Oedfa Nadolig Gymunedol.
Capel Jerusalem am 7.00.

23 Ffilm Plant. Siôn Blewyn
Coch (am ddim) – 3.00.

27 Gig. BAND PRES
LLAREGUBB, ED HOLDEN a
mwy. Neuadd Ogwen am
7.30.

IONAWR 2016

07 Sefydliad y Merched
Carneddi. Sgwrs gan Age
Concern. Cefnfaes am 7.00

09 Marchnad Ogwen. Neuadd
Ogwen. 9.30 – 1.30.

11 Cymd. Hanes D. Ogwen.
Bethan Jones Parry. Festri
Jerusalem am 7.00.

14 Cymdeithas Jerusalem.
Sgwrs gan y Parchg. W.R.
Williams. Festri am 7.

14 Plygu Llais Ogwan.
Cefnfaes am 6.45.

28 Merched y Wawr Bethesda.
Taith i'r India gyda Marian
Hughes. Cefnfaes am 7.

Rhoddion i'r Llais

£25.00 Glenys Jones, Adwy'r Nant er cof am ei hannwyl ferch,
Rhian.

£20.00 Er cof annwyl am Emlyn, Rhos y Nant oddi wrth Eileen a'r
teulu oll.

£20.00 Er cof am Roma Griffith, Garneddwen gan y teulu i gyd.

£10.00 Gwyn Roberts, Maes yr Hedydd, Tregarth.

£10.00 Er cof am fy mab, David Werner Pritchard, a fu farw ar 27
Rhagfyr 2003 yn 32 oed. Hefyd, fy mrawd, Trevor Vaughan
Pritchard, a fu farw ar 16 Rhagfyr 1965, yn 23 oed. Oddi wrth
David Pritchard, Rhes Elfed, Bethesda.

£20.00 Di-enw, Rachub.

£10.00 Mrs Nance Owen, Rhes William, Bethesda.

£10.00 Elfed Bullock, Maes y Garnedd, Bethesda.

£4.50 W. Dore, Garneddwen, Bethesda.

£20.00 Er cof annwyl am Brenda Owen, Ffordd Ffrydlas, oddi
wrth Selwyn, Alwena, Nerys a Medwyn.

£10.00 Er cof am Bill a Margaret Hughes, Bron Bethel, Rachub,
oddi wrth Hilary, Gaynor a'r teulu.

£10.00 Parchg. Geraint a Mrs Ann Hughes, Pwllheli.

£20.00 Er cof am William John Evans, (helpar Siôn Corn), 15
Ffordd Llanllechid. Hefyd, Glenys Evans, Ceunant oddi wrth Gwilym
Rees, Karen, Tom a'r teulu.

£100.00 Cyngor Cymuned Llanddeiniolen.

£20.00 Mr Joe Evans, Glan Ffrydlas, Bethesda.

£30.00 Mr Arthur Rowlands - er cof am Rhiannon Rowlands,
Llwydiarth, Tal y Cae gynt.

£10.00 Mrs Donna Coleby, Preston.

£10.00 Dr Elwyn Hughes, Ystradgynlais.

£10.00 Mrs Mair Jones, Windsor.

£10.00 Mr Emyr Wyn Williams, Porthaethwy.

£10.00 Mr Gwynfryn Davies, Caernarfon.

£10.00 Mrs Joan Jones, Cemaes.

£10.00 Mrs Mair Pritchard, Llandudno – er cof am yr Hen Deulu
yn 22 Ffordd Ffrydlas.

£6.00 Mr Huw Brown, Y Swistir.

£5.00 Dr Gwen Gruffudd, Rhostryfan.

£5.00 Di-enw, Bangor.

Diolch yn fawr.

GOLYGYDD Y MIS

Golygwyd y mis hwn gan

Ieuan Wyn

Golygyddion mis Ionawr fydd
Lowri Roberts,
8 Pen y Ffriddoedd,
Tregarth,
LL57 4NY (01248 600490)
l.roberts11@btinternet.com
a **Walter W. Williams**,
14 Erw Las,
Bethesda, LL57 3NN
(01248 601167)
waltermenai@yahoo.co.ukm

Pob deunydd i law erbyn
Dydd Mercher, 30 Rhagfyr,
os gwelwch yn dda.

Plygu
nos Iau, 14 Ionawr 2016,
yng Nghanolfan Cefnfaes
am 6.45.

COFIWCH
GEFNOGI
EIN
HYSBYSEBWYR.

LLAIS OGWAN AR CD

Gellir cael copi trwy gysylltu
â Bryn yn swyddfa'r deillion,
Bangor:

☎ 01248 353604

Os gwyddoch am rywun sy'n
cael trafferth â'i olwg, ac a
hoffai dderbyn copi o'r Llais
ar CD bob mis, cysylltwch ag
un o'r canlynol:

Gareth Llwyd ☎ 601415
Neville Hughes ☎ 600853

Cyhoeddir gan Bwyllgor Llais Ogwan

@Llais_Ogwan
Cysodwyd gan
Smala, Clynnogfawr
www.smala.net
☎ 01286 660017
post@smala.net
Argraffwyd gan
Wasg Dwyfor, Penygroes,
Gwynedd LL54 6DB
☎ 01286 881911



Ariennir yn Rhannol gan
Lywodraeth Cymru

CLWB CYFEILLION LLAIS OGWAN

GWOBRAU RHAGFYR

£30.00 (94) Sharon
Hughes, Cae Athro.

£20.00 (131) Mary Jones,
Erw Las, Bethesda.

£10.00 (76) Steffan
Roberts, Llanberis.

£5.00 (77) Miss J.B.
Jones, Porthaethwy.

ARCHEBU LLAIS OGWAN DRWY'R POST



Gwledydd Prydain	£20
Ewrop	£30
Gweddill y Byd	£40

Owen G. Jones,
1 Erw Las, Bethesda,
Gwynedd LL57 3NN

☎ post@llaisogwan.com

✉ 01248 600184

GAIR NEU DDAU

GWERTH BYWYD

Beth wnewch chi os yw'r gêm bêl-droed yr ydych yn ei gwyllo ar y teledu yn sobor o ddiflas? Diffodd y set? Troi at sianel arall? Dal i wyllo? Mae'n debyg mai dal ati yn y gobaith y bydd y gêm yn gwella a wna'f fi. Ac wrth wneud hynny, cadw un llygad ar yr hysbysebion. Na, nid yr hysbysebion teledu ond yr hysbysebion ar y byrddau electronig o amgylch y cae. Mae'r byrddau'n troi a'r hysbysebion yn newid yn gyson, a thristwch pethau gydag ambell i gêm yw bod mwy o symud a mwy yn digwydd ar y rheiny nag ar y cae. Ond mae'n gas gen i'r ci! (O leiaf, dwi'n meddwl mai ci ydi o.) Pa gi? Yr un sy'n rhedeg ar draws y bwrdd electronig dros eiriau un hysbyseb penodol. Wn i ddim pa hysbyseb yw hwnnw gan mai'r ci sy'n mynd â'r sylw i gyd. A niwsans o gi ydi o. Wedi'r cwbl, dydi pob gêm ddim yn ddiflas, ond mae'r hen gi hwn yn llwyddo i dynnu fy sylw oddi ar y bêl bob tro mae'n ymddangos. Ac nid un ci sydd chwaith, ond dau neu dri ohonyn nhw yn dilyn ei gilydd o un bwrdd electronig i'r llall.

Ambell waith, nid banciau a siopau betio a diodydd a bwydydd gaiff sylw ar y byrddau hyn. Sylwoch chi, er enghraifft, fod mwy a mwy o brifysgolion yn eu defnyddio i hysbysebu eu cyrsiau erbyn hyn? Ac ambell dro, bydd negeseuon Cristnogol i'w gweld arnyn nhw; a'r mwyaf cyffredin o'r rheiny yn hysbysebu cyrsiau Alffa neu'n cyfeirio at un adnod, 'Ioan 3:16'.

Ond hysbyseb arall a ddenodd fy sylw'r noson o'r blaen yn ystod un gêm bêl-droed. Doedd hwn ddim ar fwrdd electronig modern ond ar balis pren hen ffasiwn. Ac arno, yn ymestyn o un gornel i'r cae i'r llall y tu ôl i'r gôl oedd y geiriau (yn Saesneg) 'Mae bywyd heb Iesu yn ddiystyr'.

Tybed beth mae'r cannoedd (ac rwy'n amau mai cannoedd yn hytrach na miloedd sy'n mynychu'r stadiwm arbennig honno) yn ei feddlw o'r frawddeg? Mae'r geiriau yn amlwg yn ddweud mawr iawn, yn arbennig o gofio y byddai cynifer o bobl yn mynnu mai'r gwrthwyneb sy'n wir a bod unrhyw sôn am grefydd a ffydd yn gwbl ddiystyr. Ond i'r Cristion, mae yna wirionedd mawr yn y geiriau. Y dyddiau nesaf hyn dros gyfnod y Nadolig cawn ddatlhu dyfodiad Iesu Grist i'n byd. Wrth gofio ei eni mae Cristnogion yn cyhoeddi hefyd mai'r

person hwn, yn fwy na neb na dim arall, sy'n rhoi ystyr i'w bodolaeth a'u bywyd. Nid yw stori'r Nadolig wedi ei chyfyngu i'r preseb a'r seren, na hyd yn oed i'r babi bach ei hun. Oherwydd yr Un y cofiwn ei eni yw sail ein gobaith a sylwedd ein llawenydd. Mae ein ffordd o fyw, ein hegwyddorion a'n blaenoriaethau, ein gobeithion ar gyfer y byd hwn a'r byd sydd eto i ddod, wedi eu seilio ar Iesu Grist a'i ddysgeidiaeth a'i waith. Yn Iesu Grist y cawn ein llawenydd mwyaf a'n cysur dyfnaf. Hebddo, fel yr awgrymai'r hysbyseb, mae bywyd nid yn unig yn dlotach o lawer ond yn y pen draw yn amddifad o gyfeiriad a gwerth ac ystyr.

Nadolig Llawen iawn i bawb ohonoch.

JOHN PRITCHARD

Ceisiadau am Nawdd Ariannol Hysbysiad Pwysig

Mae Cyngor Cymuned Bethesda yn gwahodd ceisiadau am nawdd ariannol gan

Gymdeithasau/Mudiadau lleol. Os ydych am wneud cais anfonwch eich Mantolen Ariannol ddiweddaraf ynghyd â manylion eich banc at y Clerc **cyn 31 Rhagfyr 2015.**

Clerc a Phrif Swyddog Ariannol:
DONNA WATTS

Cyngor Cymuned Bethesda,
Siop Ogwen, 26 Stryd Fawr,
Bethesda, LL57 3AE.
01248 602131

E bost: cyngorbethesda@ogwen.org

Pwy Sy'n Cofio Ddoe?



Dyddiadur Digwyddiadau 1947-1950

1947

- 13/04/1947 (Sul): Capel Treflys yn pasio'n unfrydol, heb ddim ond un yn erbyn, i gael ymuno gyda Salem yn y weinidogaeth. Salem yn gwrthod gyda 38 o fwyafrif.
- Cwmni paent Bradite yn ymsefydlu'n barhaol yng Nghoed-y-Parc.
- Purple Motors yn prynu eu bws diesel gyntaf – *double-decker*.
- 20/12/1947 (Sadwrn): Rhannu arian ewyllys Plashwfa. Derbyniodd 125 o wragedd gweddwon y swm o 4/5d yr un.
- Injan yn troi ar ei hochr oddi ar y cledrau ar reilffordd Bethesda-Bangor.

Tua 1947-48

- Cyngor Dinesig Bethesda yn codi rhagor o dai yng Nghiltrefnus (Rhifau 17-36) ac ym Maes Bleddyn (Rhifau 31-60).
- Tymor 1947-48: Tîm pêl-droed Penrhyn Quarry oedd pencampwyr Adran Gyntaf y Cynghair Cymreig ac enillwyr Cwpan Cymru.

1948 (tua)

- Cyhoeddi'r *Ogwen Valley Official Guide* ('Issued under the auspices of the Ogwen Rural District Council and Bethesda Urban District Council').

1948

- 29/10/1948 (Gwener): Wilfred Pickles yn y Neuadd Gyhoeddus – rhaglen 'Have a Go', a Violet Carson wrth y piano (hi oedd Ena Sharples yn ddiweddarach yn 'Coronation Street').

1949

- Grey Motors yn aildddechrau rhedeg y busnes bysys ond yn cael ei sefydlu yng Nghorwen.
- Mrs Marjorie Helen Davies, Douglas Arms Hotel, a Miss Gaynor Basset, Rachub, yn ailsefydlu'r NSPCC ym Methesda.

1950au

- Cwmni'r Snowdon Confectionery mewn ffatri ger hen orsaf reilffordd Bethesda yn cynhyrchu tua phum tunnell o india roc ac oddeutu 160,000 o lolipops siwgr bob wythnos.
- Cyngor Dinesig Bethesda yn codi tai Glanffrydlas (Rhifau 1-28) a Glanogwen (Rhifau 1-54).

1950

- 01/04/1950 (Sadwrn): Dadorchuddio Cofeb y Milwyr, 1939, ym Methesda.
- Mrs Marjorie Helen Davies, Douglas Arms Hotel, yn sefydlu cangen leol y Blaid Geidwadol ym Methesda.
- 11/09/1950: Ysgol Dyffryn Ogwen yn dod i fod yn swyddogol (drwy gyfuno Ysgol y Sir ac Ysgol y Cefnfaes), gyda 388 o blant yn rhannu dau adeilad: hen Ysgol y Sir ac Ysgol y Cefnfaes, dan ofal y prifathro gweithredol Mr Lewis Hughes (tan 1951).

© Dr J. Elwyn Hughes

I'w barhau

Mae
Llais Ogwan
ar werth
yn y siopau isod yn Nyffryn Ogwen:

Spar, Bethesda, Londis, Bethesda
Siop Ogwen, Bethesda
Cig Ogwen, Bethesda
Tesco Express, Bethesda
Siop y Post, Rachub

CÔR Y PENRHYN

CYMERIADAU'R CÔR

Cyfres yw hon sy'n rhoi ychydig o fanylion am aelodau Côr y Penrhyn. Yr aelod y mis hwn yw **Alun Davies** o adran y Bariton.



Be' ydy dy enw llawn?
David Alun Davies.

Oed?
62.

Gwaith
Rhan amser bellach, ar ôl bod yn athro Technoleg Gwybodaeth.

Lle wyt ti'n byw?
Dwi'n byw ar Ffordd Abercaseg ger groeslon y Gerlan ers 2012.
Un o lle wyt ti'n wreiddiol? – O Erw Faen yn Nhregarth.
Pa dri pheth fasai'n dy ddisgrifio orau? - Gweithgar a chymwynasgar gobeithio, blin weithia'!

Ers faint wyt ti'n aelod o'r côr
Dwi'n aelod o'r côr ers 1989.

Pa lais wyt ti?
Dwi'n ceisio canu bariton.
Pam wnest ti ymuno â Chôr y Penrhyn? - Ymunais â Chôr y Penrhyn ar ôl i'm ffrind, Ieu, ddeud ar y bws wrth ddod adra o gêm golff gyda Chymdeithas Golff Dyffryn Ogwen un diwrnod, a ninnau i gyd yn canu ar ôl cael paned neu ddwy, "dwi'n siŵr sa ti'n mwynhau bod yn y côr sdi," medda Ieu, a'r wythnos wedyn 'roeddwn wedi ymuno.

Pa un ydy dy hoff gân yn rhaglen y côr?
Fy hoff ddarn oedd *Yr Arglwydd yw fy Mugail* gan William Mathias. Mae hwnnw'n ddarn heriol iawn gyda rhyw naws Eifftaidd iddo. Sut bynnag, ar ôl bod yn America eleni, dwi'n hoff iawn o'r dôn "Pembroke", yn enwedig pan oedden ni'n ei chanu yn dilyn disgrifiad John Ogwen o 3000 o chwarelwyr yn cerdded o Fethesda i Fangor i wrando ar araith gan Lloyd George, ac yna'n canu'r emyn – “Rwy'n gweld o bell y dydd yn dod, pan na fydd undyn is y rhod” ar y dôn honno. Roedd yr hanes yn wefreiddiol ac yn dod â'r emyn yn fyw rhywsut.

Pwy ydy dy hoff ganwr/gantores?
Fy hoff ganwr Cymraeg yw Meic Stevens. Yn y Saesneg dwi'n hoff iawn o ganwr o Canada o'r enw Neil Young. Dydy o mo'r lleisydd gorau, ond mae ei ganeuon wedi bod hefo fi ers fy arddegau. Mae Meic a Neil Young yn sgwenwyr caneuon gwyach yn fy marn i.

Beth ydy dy farn di am ganu pop?
I ddeud y gwir dwi ddim yn gwybod llawer am ganu pop cyfoes, er fy mod yn hoff o wrando ar bob math o gerddoriaeth. Mae

'na fandiau arbennig o dda yn y byd pop Cymreig ar hyn o bryd.

Oes gen ti atgof am ryw ymweliad efo'r côr?
Am y profiad mwyaf anhygoel wna i byth anghofio canu hefo'r côr yn y Chicago Cultural Center yn 2006. Roedd cael canu yn Neuadd Preston Bradley gyda'r nenfwd wedi ei wneud allan o wydr "Tiffany" a'r sain yn ysgytwol yn rhywbeth arbennig iawn. Roedd hi mor llawn yno nes bu raid i'r trefnwyr agor y drysau i'r neuadd a'r gynulleidfa'n gorfod eistedd ar y grisiau tro y tu allan, oherwydd bod y lle'n orlawn. Roedd y cyngerdd yn cael ei ddarlledu'n fyw ar y radio fel rhan o gyfres cyngherddau coffa'r Fonesig Myra Hess. Wrth wrando'n ddiweddarach ar y recordiad mae'n amlwg ei fod wedi bod yn gur pen i'r darlledwyr oherwydd bod y gynulleidfa yn gofyn am fwy a mwy o ganeuon gynnon ni. Roedd y cwmni darlledu yn gweithio i amserlen benodol wrth gwrs, ond bu raid ymestyn y rhaglen yn y diwedd. Doedd y gynulleidfa ddim i fod i ddangos eu gwerthfawrogaid rhwng caneuon, ond mi gawson ni gymeradwyaeth ar ddiwedd pob cân. Ar derfyn cyngerdd emosiynol dros ben 'roedd ambell i aelod o'r côr yn eu dagrau, a minnau yn eu plith.

Eleni hefyd 'roedd ein perfformiad yn y Gadeirlan Genedlaethol yn Washington yn brofiad bythgofiadwy, yn ogystal â'r croeso gawson ni yn ardal Poultney, Vermont wrth ail gyfarfod â ffrindiau da yn yr ardal honno.

Mae bod yn aelod o'r côr yn rhoi profiadau i'w aelodau na fyddem yn eu cael fel arall.

Pa ddiddordebau eraill sy gen ti y tu allan i'r côr?
Ymhlith fy niddordebau eraill mae chwarae'r gitâr a hynny'n bennaf gyda Hogia'r Bonc. Dwi'n ymdrechu i chwarae golff a dwi'n hoff o gerdded a theithio hefo Jan yn ein carafân fodurol fechan. Dwi'n mwynhau gwrandao ar gerddoriaeth, a bod o gymorth i'r côr fel Is-ysgrifennydd a hefyd dwi newydd ail-ddechrau ymddiddori mewn pysgota.

Oes yna rywbeth faset ti'n hoffi gweld y côr yn ei wneud?
Yn fy marn i mae'r côr yn mynd o nerth i nerth dan arweiniad Owain Arwel, gyda'r aelodaeth yn cynyddu, a mwy o aelodau ifanc yn ymuno'n wythnosol bron. Hoffwn weld y côr yn gwneud mwy o gyngherddau o'r math a wnaethpwyd eleni gyda Black Dyke a Chôr Llanelli. Hefyd, hoffwn weld y côr yn datblygu'r cyflwyniad *Hiraeth* a wnaethom yn America eleni, a'i ddatblygu fel y gallwn ei berfformio mewn gwahanol neuaddau ledled y wlad. Teimlaf ei fod yn gyflwyniad ardderchog sydd yn rhoi profiad gwahanol i gynulleidfa ond a all hefyd ddiddori ac addysgu pobl am Gymru ac yn enwedig am Ddyffryn Ogwen a'i ddiwylliant.

Cofiwch bod ôl-rifynnau o'r Llais ar gael ar wefan y papur: www.llaisogwan.com

Plaid Lafur

Dyffryn Ogwen

Aeth rhai o aelodau'r gangen i gyfarfod polisi Plaid Lafur Cymru yn Nantporth, Bangor ar ddechrau mis Tachwedd, gyda Martin Eaglestone (swyddog polisi'r blaid) a Ken Skates (gweinidog yn Llywodraeth Cymru), Hwn oedd y cyfle lleol olaf i wneud sylwadau ar y ddogfen ddrafft a fydd yn cael ei defnyddio i ffurfio manifffesto'r Blaid Lafur.

Ganol y mis, cynhaliwyd cyfarfod cangen i dderbyn adroddiadau o lefydd eraill e.e. Derek Vaughan yn ymdrechu yn Senedd Ewrop i amddiffyn hawliau gweithwyr, Llywodraeth Cymru'n gwario 46% o'i harian ar iechyd, dim ond 39% o drigolion Gwynedd yn fodlon efo'r gwasanaeth bysiau, a Chyngor Cymuned Bethesda'n dechrau trafod cael camerâu diogelwch. Hefyd cynhaliwyd trafodaeth ddifyr ar bolisi creu ac arbed ynni.

Tua diwedd y mis, cynhaliwyd Ffair Nadolig flynyddol y gangen yn Neuadd Ogwen, gyda Siôn Corn, cerddoriaeth a stondinau arferol . Er y tywydd garw, cafwyd yr hwyl arferol a gwnaed tua'r un faint o elw â'r llynedd.

Cynhelir cyfarfod nesaf y gangen am 7.30 y.h. yng Nghanolfan Cefnfaes ar y nos Iau gyntaf yn Ionawr (y 7fed) i dderbyn yr adroddiadau arferol ac i drafod Tŷ'r Arglwyddi. Mae'n debyg y bydd cyfarfod o Blaid Lafur Arfon ym mis Ionawr hefyd.

MOELYCI

Derbyniodd y Llais lythyr yn ddiweddar oddi wrth Cynrig Hughes, Rallt Uchaf, Pentir yn tynnu sylw bod erthygl wedi ymddangos mewn rhifyn yn camsillafu enw'r bryn sy'n edrych lawr dros Rhiwlas a Phentir. Nododd mai'r sillafiad cywir ydy 'Moelyci' (sy'n dod o Moel Lleucu yn wreiddiol) ac nid 'Moel y Ci'.

Cwynodd Cynrig i'r Arolwg Ordnans am y gwall yma sydd yn ymddangos ar fap OL17, sgwar 5965. Dadleuodd bod enw'r bryn wedi ei gofnodi fel a ganlyn yn y gorffennol sydd yn profi bod y sillafu ar eu map yn anghywir:

Yn 1593 fel Moel leiki, yn 1626 fel Moelycki ac fel Moelycci yn 1789

Cafodd gefnogaeth swyddfa Comisiynydd y Gymraeg hefyd a roddodd dystiolaeth o'r ynganiad lleol sydd heb fwch o gwbl rhwng y llythrennau.

Derbyniodd Cynrig gadarnhad gan un o swyddogion yr Arolwg Ordnans bod ei ddadl wedi ei derbyn ac o Ragfyr 2015 ymlaen cofnodir y sillafiad cywir (Moelyci) ar y 'MasterMap'. Bydd argraffiad newydd o fapiau papur yn cael eu cywiro maes o law ond bydd angen disgwyl peth amser cyn i'r map yma ymddangos yn y siopau oherwydd bod angen gwerthu'r stoc presennol yn

Plaid Cymru Dyffryn Ogwen

Yng nghyfarfod mis Tachwedd cadeiriwyd gan y Cynghorydd Dafydd Meurig , ac fe dderbyniwyd nifer o ymddiheuriadau am absenoldeb anorlod.

Mynegwyd ein boddhad bod y Blaid wedi cryfhau eu sefyllfa ar Gyngor Gwynedd drwy ennill dwy sedd mewn is-etholiadau a gynhaliwyd ym Mangor a Llanaelhaearn. Enillwyd sedd hefyd ar Gyngor Dinas Bangor.

Trafodwyd y ddogfen “Her Gwynedd” gan annog pawb i gwblhau'r holiadur erbyn 30 Tachwedd. Bydd penderfyniadau anodd yn wynebu cynghorwyr Gwynedd dros yr wythnosau nesaf o safbwynt torri £7miliwn o gyllideb y sir. Pwysleisiwyd eto mai'r rheswm am hyn oedd diffyg cyllid o Senedd Llundain i'r Senedd yng Nghaerdydd, ac o ganlyniad roedd llai o arian ar gael i'r cynghorau!

Dyma rhai materion lleol a drafodwyd:

Roedd mater y sbwriel a llanast y bagiau duon ar y stryd ym Methesda yn dal i fod yn fater anodd i'w ddatrys, ac yn destun poendod i'r aelodau.

Bu cyfarfod yn Neuadd Ogwen i sôn am godi tâl yn y meysydd parcio. Megis cychwyn mae hyn ond teimlir nad oedd digon o bobl wedi cael gwybodaeth ymlaen llaw.

Newyddion da yw bod cynlluniau ar y gweill i ehangu safle'r Wifren Wib. Gobeithid y gellir gwneud mwy i ddenu'r ymwelwyr i lawr er mwyn i Fethesda elwa ar y datblygiad.

Gwnaed trefniadau ar gyfer y Cyfarfod Blynnyddol ym mis Chwefror. Roedd sefyllfa aelodaeth y Gangen yn foddhaol, ac adroddodd y trysorydd ei fod wedi trefnu'r Bore Coffi nesaf ar 5 Mawrth yng Nghanolfan Cefnfaes.

PWYLLGOR CERFLUN WILBERT

Pwyllgor Cerflun Wilbert : apêl gyhoeddus dros hanner ffordd.

Maen nhw'n ddyddiau cyffrous ym Mangor gyda Chanolfan PONTIO yn agor ei drysau i'r cyhoedd am y tro cyntaf. Mae PWYLLGOR CERFLUN WILBERT yn dymuno'n dda iawn i'r ganolfan newydd. Gall y pwyllgor hefyd gyhoeddi ein bod fwy na hanner ffordd tuag at y nod o godi'r arian angenrheidiol i greu cerflun o Wilbert Lloyd Roberts, fydd yn sefyll maes o law o fewn y ganolfan newydd.

Nod y pwyllgor ers 2014 oedd coffáu'r gwron hwn ym myd y theatr gyda cherflun cyfoes ohono. Lle gwell i osod y gwaith pwysig hwn o gelfyddyd gyhoeddus nac yng nghanolfan PONTIO, Bangor? A thrwy gydweithrediad caredig y Brifysgol clustnodwyd lleoliad teilwng iddo yn un o gynteddau amlyca'r ganolfan.

Sefydlwyd Cronfa Apêl gan y pwyllgor i godi'r arian angenrheidiol ar gyfer creu'r cerflun, ac ers mis Mai eleni gallwn ymfalchïo yn y rhoddion lu a gafwyd gan garedigion y theatr a nifer fawr o gydweithwyr Wilbert. Y targed oedd £8,000, ac erbyn hyn codwyd dros hanner y swm. Bellach mae angen un gwrthiad terfynol i gyrraedd y nod.

Comisiynwyd y cerflun gan y cerflunydd cyfoes lleol Nick Elphick, a bu yntau'n brysur yn ymchwilio a chasglu gwybodaeth am bob agwedd ar fywyd a gwaith Wilbert. Gobeithir y bydd y darn cyffrous hwn o gelfyddyd gyfoes yn barod i'w ddadorchuddio yn Pontio yn ystod gwanwyn 2016.

Apeliwn i unrhyw un a hoffai gydnabod bywyd a gwaith Wilbert Lloyd Roberts i gyfrannu i Gronfa'r Cerflun. Gellir gwneud hynny'n hwylus drwy wefan Pontio neu drwy ffonio Swyddfa Docynnau Pontio ar 01248 382828. Cydnabyddir yn ddiolchgar pob rhodd, bach a mawr. Bydd yr arian yn galluogi coffad diriaethol cyhoeddus o Wilbert, ac yn cydnabod ein diolch i un a osododd sylfaen i'r theatr Gymraeg ym Mangor, a Chymru.

Pwyllgor Cerflun Wilbert: Cefin Roberts (Cadeirydd), Ann Llwyd (Ysgrifennydd), Elen Bonner, Linda Brown, Eleri Davies, Gwynfryn Davies, John Gwynedd Jones, Gaynor Morgan Rees, Dyfan Roberts, Elin Roberts-Puw.

Nadolig Llawn a Blwyddyn Newydd Dda

Cyngor Cymuned Bethesda

Cynhaliwyd cyfarfod misol y cyngor ar 26 Tachwedd pan groesawyd y Cyng. Dafydd Meurig, Cyngor Gwynedd, i annerch y cyngor ynglŷn â Lôn Las Ogwen. Nodwyd bod y lôn bron wedi'i chwblhau, bod y Cyngor Sir wedi paratoi cynlluniau ar gyfer ei hystemyn trwy'r twnnel a bod modd denu grantiau i ariannu'r gwaith. Fodd bynnag, oherwydd yr holl doriadau sy'n cael eu gosod ar y Cyngor gan y Llywodraeth, efallai na fyddai'n bosibl iddyn nhw fforddio cynnal a chadw'r twnnel i'r dyfodol. Gofynnodd a fuasai Cyngor Cymuned Bethesda yn fodlon cymryd cyfrifoldeb am y costau hyn, tua £1,500 y flwyddyn, ar y cyd gyda Chyngor Cymuned Llandygái. Lleolir y twnnel ar dir Cyngor Llandygái ac mae llawer o bobl Bethesda yn defnyddio'r Lôn Las. Cytunodd y Cyngor mewn egwyddor, gan ddisgwyl i glywed beth fydd ymateb Cyngor Cymuned Llandygái i'r cais.

Yn nes ymlaen, trafodwyd llythyr gan Gyngor Gwynedd yn rhestru rhai o'r gwasanaethau y byddai'n anodd parhau i'w cynnal gyda llai o adnoddau, a gofyn a fyddai'r Cyngor Cymuned â diddordeb mewn cymryd cyfrifoldeb dros rai ohonyn nhw. Drwy hyn gellid cadw gwasanaethau gwerthfawr a fyddai'n cael eu colli fel arall ond gallai olygu bod y Cyngor Cymuned yn gorfod codi eich treth yngor i dalu amdany'n nhw. Bydd angen trafodaethau manwl rhwng y Cyngor Cymuned a'r Cyngor Sir ac ymgynghoriad trylwyr â'r trigolion cyn gwneud unrhyw benderfyniadau terfynol, a bydd y broses yn cymryd amser hir.

Trafodwyd y sêl pen bwrdd a gynhaliwyd yn ddiweddar yn Llys Dafydd ac anogodd y Cyngor Bwyllgor Llys Dafydd i gynnal y digwyddiad hwn yn rheolaidd fel bod mwy o bobl yn ymwybodol ohono ac yn manteisio ar y cyfle i brynu a gwerthu pethau. Cytunwyd i adnewyddu rhai o'r goleuadau Nadolig ar y Stryd Fawr a thrafodwyd y posibiladau o gael coeden Nadolig yn 2016 a chynnal seremoni ffurfiol i gynnu'r goleuadau. Beth yw barn darllenwyr y Llais?

Cafwyd llythyr gan y Cyngor Iechyd Cymuned (CIC) yn nodi ei fod yn chwilio am aelodau, sef gwirfoddolwyr sy'n gweithredu fel llygad a chlust cleifion a'r cyhoedd, gan wrando ar eu pryderon a gweithio gyda'r gwasanaeth iechyd i wella ansawdd gofal i gleifion. Bydd angen rhoi rhwng tri a phum diwrnod y mis i'r gwaith a thelir costau. Os oes gennych ddiddordeb, gallwch ffonio'r rhif 02920235558 neu anfon e-bost at member.recruitment@waleshc.org.uk.

YN EISIAU - GWIRFODDOLWYR!

Mae **Neuadd Ogwen** angen mwy o wirfoddolwyr i helpu yn ystod ein digwyddiadau.

Eich neuadd chi yw hon!

Am ragor o wybodaeth: Cysylltwch ag Owain ar 01248 208 485 neu 07442 532 746 owain@neuaddogwen.com neu gyrrwch neges drwy dudalen **Facebook** y Neuadd

EGLWYS UNEDIG BETHESDA

LLENWI'R CWPAN

Dewch am sgwrs a phaned

Bob bore dydd Iau rhwng 10.00 o'r gloch a hanner dydd





PIANO AR WERTH

Pris i'w drafod

Ffoniwch 07739 813019

SESIYNAU SIARAD I DDYSGWYR

11.00 -12.00, Ail Ddydd Sadwrn bob mis ym Marchnad Ogwen

11.00 -12.00 , 4ydd Dydd Sadwrn bob mis yng Nghaffi Fitzpatrick's.

Am fwy o wybodaeth neu i wirfoddoli yn y sesiynau siarad, cysylltwch â Meleri ar 01248 602131

Braichmelyn

Rhiannon Ifans
Glanaber, Pant, Bethesda

 600689

Ennill Gradd
Mae Osian, Gwydion a Leah a’r teulu oll am longyfarch Sara Evans, 57 Braichmelyn ar ennill gradd BSc mewn Seicoleg gyda’r Brifysgol Agored. Pob dymuniad da i’r dyfodol.

Cofion
Anfonwn ein cofion at Mrs Norma Roberts, 59 Braichmelyn sy’n mynd am driniaeth I’r ysbyty. Dymuniadau da, Norma, a brysiwch wella.

Mae ein cofion yn mynd at bawb sy’n cwyno gydag unrhyw anhwylder yn ystod y cyfnod a dymunwn wellhad buan iddynt i gyd. Anfonwn ein dymuniadau gorau am y Nadolig a’r flwyddyn newydd i bawb.

Y Gerlan

Ann a Dafydd Vaughan Williams
14/4 Stryd y Ffynnon, Gerlan

 601583

Llwyddiant eisteddfodol
Rydym yn llongyfarch Elin Cain. Ffordd Gerlan, yn fawr iawn yn ei llwyddiant yn ennill Medal yr Ifanc yn Eisteddfod Dyffryn Ogwen. Derbyniodd Elin

feirniadaeth dda iawn am ei gwaith. Da iawn, chdi, Elin. Rydym i gyd yn hynod o falch ohonot.

Cofion
Rydym yn estyn ein cofion at David Pledger, Stryd y Ffynnon, sydd yn Ysbyty Gwynedd. Nid yw Dave wedi bod yn arbenng o dda yn ddiweddar, ac rydym i gyd yn dymuno’r gorau iddo am wellad llwyr a buan

Penblwydd arbennig
Bu i ddau gefnder ddathlu eu penblwyddi yn ddeunaw oed yn ddiweddar. Rydym yn llongyfarch Rhys Evans a Mathew Morris, y ddau o Stryd Morgan ar eu penblwyddi arbennig. Gobeithio i’r ddau ohonoch gael penblwydd arbennig o hapus, a diwrnod i’w gofio. Pob dymuniad da i’r ddau ohonoch i’r dyfodol

Dathlu’r 60
Llongyfarchiadau mawr i Arfon Griffith, Ffordd Gerlan, ar ddathlu ei benblwydd yn 60 oed yn ddiweddar. Gobeithio iti fwynhau’r dathlu, Arfon. Pob dymuniad da iti, Arfon, gan bawb o’r pentref

Diolch
Dymuna Ann Williams, Stryd y Ffynnon, ddiolch i bawb a gefnogodd y bore coffi a drefnodd yn ddiweddar er budd Apêl y Ffoaduriaid. Diolch yn arbennig i bawb a fu’n ei chynorthwyo, ac i’r rhai a gyfrannodd at y bore mewn unrhyw ffordd. Codwyd swm o

£235 a throsglwyddwyd ef i Gronfa Eglwys Glanogwen tuag at yr Apêl.

Calan
Braf oedd gweld Patrick Rimes, Gwernydd, adref yn ei ardal y mis hwn. Roedd Patrick, sy’n rhan o’r grwp hynod o boblogaidd, Calan, yn cynnal noson yn Neuadd Ogwen. Mae Patrick yn gerddor arbennig o dalentog, ac mae Calan yn brysur iawn yn diddori cynulleidfaoedd yng Nghymru a’r tu allan i’r wlad. Da iawn, chi, Calan, a da iawn, chdi, Patrick!

Cofion
Rydym yn gyrru ein cofion at bawb yn yr ardal, yn enwedig y rhai hynny nad ydynt yn dda eu hiechyd, ac yn dymuno Nadolig Llawn a Blwyddyn Newydd Dda i bawb. Mwynhewch yr Ŵyl.

Llandygái

Iona Wyn Jones
Dyma Fo, 16 Pentref Llandygái, Bangor LL57 4HU

 01248 354280

Eirlys Williams
Sŵn y Coed, 23 Pentref Llandygái, Bangor LL57 4HU

 01248 351633

Gwellhad buan
Dymunwn wellhad buan i Eirlys Edwards, 23 Pentre Llandygái yn dilyn llawdriniaeth ar frys.

Hefyd, i Nerys Coleman o’r Bryn sydd wedi dod adref o Ysbyty Eryri ar ôl damwain. Rydym yn meddwl amdanoch eich dwy.

Bingo
Diolch i’r rhai a fentrodd allan ar noson stormus. Gwnaed elw o £53.

Parti Nadolig
Mae yna gryn edrych ymlaen i’r Parti Nadolig Pobl Hŷn a gynhelir yn flynyddol yn Neuadd Talgai. Diolch i’r pwyllgor am ei drefnu.

Eglwys Sant Tegai
Gwasanaethau’r Nadolig

Nos Sul, 20 Rhagfyr – gwasanaeth dwyieithog ‘Naw Llith a Charol’ traddodiadol am 6 o’r gloch yr hwyr. Lluniaeth ysgafn i ddilyn.

Noswyl y Nadolig, 24 Rhagfyr – yr offeren am 11.15 yr hwyr.

Dydd Sul, 27 Rhagfyr – dim gwasanaeth yn Sant Tegai. Gwasanaeth ar y cyd yn Eglwys St Cross, Maes y Groes, Talybont am 10.30 yr hwyr.

Codi Arian i’r Eglwys
Yn y flwyddyn newydd cynhelir Noson Bingo yn Neuadd Talgai nos Fawrth, Ionawr 26 am 7 o’r gloch. Bydd yr elw er budd Cronfa Atgyweirio Eglwys Sant Tegai.



Dydd Sadwrn 09/01/2016
Y Brif Theatr

10.00 Sioe Cyw
11.30 Sioe Cyw
12.15 Cyfarfod Cyw a’i ffrindiau
2.15 Sioe Cyw
3.00 Cyfarfod Cyw a’i ffrindiau

Gŵyl Cymryd Rhan 2016
Canu a dawnsio gyda Cyw a’i ffrindiau

Archeba dacyn drwy ffonio Venue Cymru 01492 872000
neu ewch i www.venuecymru.co.uk

s4c.cymru/cyw  

ROWNDAROUND
Gweithdai
11.00–12.00 a 1.30–2.30 Dydd Sadwrn 09/01/2016 Ystafell Crafnant

Cyfle i gyfarfod sgriptiwr, cyfarwyddwr a rhai o actorion y gyfres. Am Ddim.

Bethesda

Ffiona Cadwaldr Owen
Bryn Meurig Bach,
Coed y Parc, Bethesda,
LL57 4YW

 601592

Joe Hughes
Awel y Nant, Ffordd Ffrydlas,
RachubLL57 3LW

 601902

Cyfarchion Nadolig

Ni fydd Glenys Jones, 29 Adwy'r Nant yn anfon cardiau Nadolig eleni. Mae hi'n dymuno Nadolig Llawn a Blwyddyn Newydd Dda i'w holl ffrindiau a chymdogion.

Diolch
Dymuna teulu'r ddiweddar
Muriel Williams, 21 Glan
Ffrydlas, estyn diolch i bawb am
eu caredigrwydd a'u
cydymdeimlad yn eu colled o
fam, mam yng nghyfraith,
chwaer, nain a hen nain annwyl
a chariadus iawn. Diolch am y
cardiau, yr ymweliadau a'r
rhoddion tuag at Ymchwil Cancr.
Diolch yn fawr, hefyd, i'r
Parchedig Dafydd Coetmor
Williams a Mr Stephen Jones, yr
ymgymerwr.

Dyweddiad
Llongyfarchiadau i Catrin a Joe,
17 Stryd Cefnfaes ar eu
dyweddïad yn ddiweddar.

Ysbyty
Cofion cynnes a gwellhad buan i
Mr Philip Williams, Groeslon,
Pen y Bryn. Da deall ei fod
gartref erbyn hyn.

Diolch

Dymuna Lee a Ffion ddiolch i bawb a gyfrannodd tuag at, ac a gefnogodd y Noson Caws a Gwin a gynhaliwyd yn ddiweddar yn y Fic. Diolch yn arbennig i Don am ei groeso ac i Beca, yr Ocsiwniar. Trosglwyddwyd y swm o £745.10 i SANDS Gwynedd er cof am Dafydd Huw.

Cyfarchion

Ni fydd Mr Joe Evans, 10 Glan
Ffrydlas yn anfon cardiau
Nadolig eleni, ond mae'n
dymuno Nadolig hapus a
dedwydd a Blwyddyn Newydd
Dda i'r teulu, cyfeillion a
chymdogion.

Diolch

Hoffai Eirwen a'r teulu, Erw Las, ddiolch i bawb am yr holl gardiau, galwadau ffon ac ymholiadau a dderbyniwyd yn ystod gwaeledd Eirwen yn ddiweddar pan fu yn yr ysbyty am dros dair wythnos. Diolch o galon i bawb.

Cydymdeimlo

Anfonwn ein cydymdeimlad at

Hefyd, cydymdeimlwn â Mr a Mrs Gareth Jones, Pencilan, a'r teulu, a Mr a Mrs Elfed Bullock, Maes y Garnedd, yn eu profedigaeth fawr o golli Gwilym Bullock, Mynydd Llandygâi. Roedd Gwilym yn frawd i Dilys ac Elfed. Anfonwn ein cydymdeimlad at deulu Mynydd i gyd.

Ar 10 Tachwedd, yn dawel yn ei chartref, 17 Hen Barc, yn 59 mlwydd oed, bu farw Mrs Eirian Mary Jones. Priod annwyl Mr Hefin Jones a mam garedig a gofalus Llifton. Merch yng nghyfraith Mrs Jessie Jones, Stryd Glanrafon, a chwaer annwyl a charedig i Rhian, Deiniol, Glenda a Dilwyn. Roedd hefyd yn chwaer yng nghyfraith a modryb hoffus. Roedd Eirian yn berson oedd â gwên bob amser ac yn hoff o gymdeithasu. Roedd y teulu yn bwysig iawn iddi. Bu'n gweithio yn Ysbyty Gwynedd hyd at ei salwch blin.

Cynhaliwyd ei hangladd ddydd Mawrth, 17 Tachwedd yng Nghapel Jerusalem a mynwent Coetmor dan arweiniad y Parchedig Geraint Roberts, Porthaethwy. Rhoddwyd teyrnged i'w chwaer fawr gan Deiniol. Mrs Menai Williams oedd yr organyddes.

Cydyndeimlwn â chwi fel teulu i gyd yn eich profedigaeth fawr o golli Eirian.

Ar 10 Tachwedd, yn dawel yn ei chartref, 17 Hen Barc, yn 59 mlwydd oed, bu farw Mrs Eirian Mary Jones. Priod annwyl Mr Hefin Jones a mam garedig a gofalus Llifon. Merch yng nghyfraith Mrs Jessie Jones, Stryd Glanrafon, a chwaer annwyl a charedig i Rhian, Deiniol, Glenda a Dilwyn. Roedd hefyd yn chwaer yng nghyfraith a modryb hoffus. Roedd Eirian yn berson oedd â gwên bob amser ac yn hoff o gymdeithasu. Roedd y teulu yn bwysig iawn iddi. Bu'n gweithio yn Ysbyty Gwynedd hyd at ei salwch blin.

Cynhaliwyd ei hangladd ddydd Mawrth, 17 Tachwedd yng Nghapel Jerusalem a mynwent Coetmor dan arweiniad y Parchedig Geraint Roberts, Porthaethwy. Rhoddwyd teyrnged i'w chwaer fawr gan Deiniol. Mrs Menai Williams oedd yr organyddes.

Cydymdeimlwn â chwi fel teulu i
gyd yn eich profedigaeth fawr o
golli Eirian.

Yn sydyn yn ei gartref ar 2 Rhagfyr, bu farw Mr Eric Wyn Jones, 4 Tai Glanogwen yn 87 mlwydd oed. Priod y ddiweddar Mrs Gladys Mary Jones, a thad a thad yng nghyfraith Geraint a Rhiannon a Gareth. Roedd yn daid i Nia, Nerys, Lliwen, Dewi a Dylan, a hefyd yn hen daid. Bu ei angladd fore Sadwrn, 12 Rhagfyr yn Amlosgfa Bangor. Anfonwn ein cydymdeimlad atoch i gyd fel teulu.

Yn sydyn yn ei gartref ar 2 Rhagfyr, bu farw Mr Eric Wyn Jones, 4 Tai Glanogwen yn 87 mlwydd oed. Priod y ddiweddar Mrs Gladys Mary Jones, a thad a thad yng nghyfraith Geraint a Rhiannon a Gareth. Roedd yn daid i Nia, Nerys, Lliwen, Dewi a Dylan, a hefyd yn hen daid. Bu ei angladd fore Sadwrn, 12 Rhagfyr yn Amlosgfa Bangor. Anfonwn ein cydymdeimlad atoch i gyd fel teulu.

Yn Ysbyty Gwynedd ar 2 Rhagfyr
bu farw Mrs. Catherine
Williams, Wenallt, Pen y Bryn,
yn 78 oed. Priod annwyl Mr
Arthur Williams a mam garedig i
Joe ac Elizabeth a'i chymar,
Adam. Hefyd yn nain i Sarah,
Kimberley, Steven, Adam a
Caragh, ac yn chwaer i Harry a
Robin. Cynhaliwyd ei hangladd
yn Amlosgfa Bangor ar ddydd
Gwener, 11 Rhagfyr. Pob
cydymdeimlad atoch i gyd fel
teulu yn eich profedigaeth a'ch
colled fawr.



Hywel Williams, AS Arfon, gyda rhai o drefnwyr Gŵyl Diwali yn Neuadd Ogwen.



Ann Williams, Linda Brown, Chris Evans, o'r Heddlu, Hannah a Dilwyn Llwyd o Neuadd Ogwen, gyda rhai o Arbenigwyr a Doctoriaid Ysbyty Gwynedd, sy'n aelodau o Gymdeithas Indiaid Bangor.

Ymunodd AS Plaid Cymru dros Arfon, Hywel Williams, ynghyd â'r Cyng. Ann Williams a'r Cyng. Linda Brown, yn natliadau Diwali yn ddiweddar gydag ymweliad â digwyddiad a drefnwyd gan Gymdeithas Indiaid Bangor yn Neuadd Ogwen, Bethesda. Mae Diwali yn ymwneud â buddugoliaeth y da dros y drwg, thema cyffredinol y mae pawb yn ei deall.

Roedd y croeso yn gynnes a chroesawgar ac roedd pawb yn cael amser gwych, gyda'r holl fywiogrwydd lliw, gwisgoedd a bwyd blasus. Hoffai Hywel, Ann a Linda ddiolch i'r trefnwyr am ŵyl wirioneddol wych. Roedd y digwyddiad yn ein hatgoffa mai un o gryfderau mwyaf yr ardal hon yw ein amrywiaeth.

Nos Iau, 26ain o Dachwedd cynhaliwyd y cyfarfod misol yng nghanolfan Cefnfaes fel arfer. Dechreuwyd trwy ganu'r anthem gyda Gwenno Evans yn cyfeilio.



Croesawyd yr aelodau gan y Llywydd, Elina Owen, yn gynnes iawn. Cafwyd ymddiheuriad oddi wrth Dilys Jones, - roedd ei brawd yn wael ac anfonwyd cofion y gangen ati.

Diolchodd i'r aelodau a ymdrechodd i gynnal y Bore Coffi eleni ar 7fed Tachwedd yn ystafell uchaf Neuadd Ogwen. Llwyddwyd i godi £239.00 tuag at redeg y gangen am flwyddyn arall. Hebddo buasai yn anodd iawn cario ymlaen. Roedd llawer o'r aelodau oherwydd eu hamgylchiadau - henaint, cryd cymalau ac ati - yn dechrau teimlo'r pwysau o redeg y gangen fel ag y mae. Felly, awgrymodd y byddem yn cael cyfarfod ar ddechrau'r flwyddyn newydd i drafod syniadau ar sut i symud ymlaen ar gyfer y tymor nesaf.

Derbyniwyd nifer o gyhoeddiadau gan y Trefnydd Cenedlaethol

parhad ar y dudalen nesaf...

am gystadlaethau a gweithgareddau y flwyddyn nesaf, yn cynnwys cystadleuaeth i ddysgwyr, cystadlaethau ar gyfer yr Ŵyl Wanwyn ym mis Mai a chystadlaethau'r sioe fawr. Hefyd daeth y wybodaeth fod cyfanswm casgliad y Llywydd Cenedlaethol a wnaed drwy werthu ategolion (accessories) wedi cyrraedd £20,000. Cyhoeddwyd hefyd leoliad a dyddiad Cinio Blynnyddol y Llywydd.

Pleser y noson oedd croesawu Margaret Jones a'i merch Jên i'n diddanu ac addysgu. Roedd y ddwy wedi bod yn paratoi yn drylwyr iawn, yn siopa mewn siopau bargeinion a hel pob math o wyrddni o'u gerddi, digon i bob un aelod presennol i greu addurn ar gyfer canol bwrdd Nadolig.

Aeth ymlaen i ddangos inni sut i wneud, gydag esiamplau, a dangosodd sut i ddefnyddio offeryn i rwygo ruban yn ddeniadol. Gwahoddwyd pawb i helpu eu hunain i'r dail a'r gwyRDDni ac unrhyw addurn lliwgar sgleiniog o'u dewis i'w clymu at ei gilydd mewn oasis. Cafodd pawb hwyl fawr er gwaethaf rhai yn cwyno nad oeddynt yn dda am wneud y math yma o beth, ac nad oeddynt yn artistig ac ati, ond doedd dim dweud "Na" i fod gan y gyn-athrawes gelf Ysgol Dyffryn Ogwen. Roeddynt i gyd yn edrych yn ddel iawn ar y diwedd. Aeth pawb adref yn falch iawn o'u llwyddiannau a'u creadigaethau. Clywyd rhai yn datgan ar y diwedd, "gweithgaredd ymlaciol iawn".

Cafwyd paned a mins pei gan Jennie Jones. Enillwyd y wob'r lwcus, rhoddedig gan Jennie Jones, gan Rita Bullock.

Gwnaed y trefniadau diwethaf ar gyfer ein cinio Nadolig gan Jean Jones a Gwenno Evans.

Yr Eglwys Unedig, Bethesda



Mae pawb yn brysur yn paratoi ar gyfer Gŵyl y Geni. Mae'r Ysgol Sul a'r Clwb Nos Fawrth yn cynnal eu Gwasanaeth Nadolig ar Ragfyr 13eg am 10.30 y bore. Bydd parti i'r plant a phaned i bawb ar derfyn y gwasanaeth. Bydd croeso i bawb ddod i ymuno â ni. Gwneir casgliad tuag ar yr Ysgol Sul.

Roedd y Cyfarfod Gweddi ddechrau'r mis yng ngofal Ceri ac Alwenna, gyda Sioned yn eu cynorthwyo, ar thema'r Nadolig. Diolch iddynt hwy, ac i Jean am gyfeilio.

Y Gymdeithas

Yn y cyfarfod ar Dachwedd 12fed, croesawyd pawb gan ein llywydd, Joe Hughes. Darllenwyd yr englyn gan Ceri. Cydymdeimlwyd â theulu Muriel Williams yn eu profedigaeth. Roedd Muriel yn ffyddlon i'r Gymdeithas. Cafwyd noson arbennig dan ofal Mr Alun Pritchard, yn rhoi sgwrs a dangos lluniau am ei gyfraniad ef i drigolion Kenya. Roedd wedi cynorthwyo adeiladu tai a ffynhonnau dŵr, hefyd cael offer i'r ysgolion a'r clinig

meddygol. Mae Mr Pritchard yn codi arian tuag at y fenter hon wrth fynd o gwmpas yn sôn am yr hyn mae'n ei wneud. Diolchwyd iddo gan Elina Owen. Cafwyd noson arbennig iawn. Diolch i Ceri ac Elina am y baned.

Mae'n hoedfaon yn dal i gael cynulleidfâ deilwng bob Sul.

Llongyfarchion i Elin Cain ar dderbyn Medal yr Ifanc, a Buddug ar ddod yn ail, yn Eisteddfod Dyffryn Ogwen, ac i bawb arall fu'n llwyddiannus yn yr eisteddfod. Derbyniodd Seren gwpan a medalau hefyd. Ardderchog yn wir.

Bydd **Gwasanaeth Carolau nos Sul, Rhagfyr 20fed am 7 o'r gloch**. Fore'r Nadolig, cynhelir gwasanaeth Cymun am 9 o'r gloch y bore. Croeso i bawb.

Y Cyhoeddiadau am y Mis

Rhagfyr 25 9.30 y bore Y Cymun dan ofal y Parch. Cledwyn Williams.

Rhagfyr 27 – yr aelodau'n gyfrifol am yr oedfa.

Diolch i Heulwen am addurno'r capel ar gyfer y Nadolig.

Anfonwn ein dymuniadau gorau am Nadolig Dedwydd i bawb.

Ymarferion Cymunedol 'Chwalfa' wedi Cychwyn

Roedd festri Capel Jerwsalem yn llawn dop nos Fawrth y 24ain o Dachwedd pan ail-gychwynnodd ymarferion cymunedol 'Chwalfa'.

Dyma gynhyrchiad Theatr Genedlaethol Cymru mewn partneriaeth â Pontio a Chwmni'r Frân Wen a fydd yn cael ei berfformio ar lwyfan Theatr Bryn Terfel yng nghanolfan Pontio ym Mangor rhwng 17 a 27 Chwefror 2016.

Mae dros hanner cant o drigolion ardal Dyffryn Ogwen a'r cyffiniau yn rhan o'r cast cymunedol, ac yn y cast proffesiynol mi fydd yr actorion lleol Lisa Jên Brown a Gwenno

Hodgkins ac actorion cyfarwydd eraill yn cynnwys Llion Williams, Mark Flanagan, Morfudd Hughes a llu o actorion eraill.

Mae'r ddrama yn adrodd hanes y Streic Fawr Chwarel y Penrhyn a'r awdur Gareth Miles sydd wedi addasu nofel T. Rowland Hughes yn arbennig ar gyfer y cynhyrchiad yma.

Mae modd o archebu tocynnau trwy Pontio ar www.pontio.co.uk / 01248 382828.

Mae modd i drigolion Dyffryn Ogwen ddefnyddio côd OGWEN15 er mwyn cael tocynnau pris llawn am bris gostyngedig o £10 (yn hytrach na £15).



Rhai aelodau o gast 'Chwalfa'

Eglwys Crist, Glanogwen

Cynhelir Gwasanaethau fel a ganlyn:
Sul Cyntaf pob mis
Cymun Bendigaid – 8.00am
Boreol Weddi Cymraeg – 11.00am
Ail Sul pob mis - Cymun Bendigaid Cymraeg – 11.00am
Trydydd Sul pob mis – Cymun Bendigaid dwyieithog – 110.00am
Pedwerydd Sul pob mis - Cymun Bendigaid dwyieithog – 11.00am
Pumed Sul - Gwasanaeth ar y cyd gyda Mynydd Llandegai a Pentir (Lleoliad i'w gyhoeddi)
Pob bore Mercher am 10.30am - Cymun Bendigaid
Sul Rhagfyr 20 - Pedwerydd
Sul Yr Adfent – Gwasanaeth Carolau Cymraeg – 11:00am
Noswyl Nadolig, Rhagfyr 24 – Gwasanaeth Preseb – 4:00pm

Noswyl Nadolig, Rhagfyr 24 – Offeren Noswyl Nadolig – 9:00pm
Dydd Nadolig, Rhagfyr 25 – Cymun Bendigaid – 10:00am
Sul Rhagfyr 27, Gwasanaeth ar y Cyd, Cymun Bendigaid, Eglwys St Cedol, Pentir – 10:00am

Gwasanaethau Ionawr 2016
Sul, Ionawr 3 - Ail Sul y Nadolig – Boreol Weddi, Cymraeg - 11:00am
Sul, Ionawr 10 - Bedydd Crist - Cymun Bendigaid, Cymraeg - 11:00am
Sul, Ionawr 17 - Ail Sul Yr Ystwyll – Cymun Bendigaid - 11:00am
Sul, Ionawr 24 - Trydydd Sul Yr Ystwyll - Cymun Bendigaid - 11:00am
Sul Ionawr 31 - Pedwerydd
Sul Yr Ystwyll – Ar y Cyd, St Cedol, Pentir, Cymun Bendigaid - 10:00am

Ymddeol
Trist iawn yw gorfod cyhoeddi

bod Mr Albert Humphreys, clochydd a gofalydd (Verger), Eglwys Crist Glanogwen, yn ymddeol ddiwedd mis Rhagfyr, 2015 ar ôl nifer helaeth o flynyddoedd yn y swydd. Mae Albert wedi bod yn driw iawn ac yn weithiwr andros o gydwybodol i Eglwys Glanogwen ac fe fydd hi yn chwith iawn ar ei ôl. Rydym i gyd, fel aelodau Glanogwen a phreswylwyr y Plwyf yn diolch o waelod calon i Albert am ei holl waith di-rwgnach dros y blynyddoedd. Ni ellir rhestru yma yr oll mae wedi ei wneud heb sôn am ei holl weithgareddau yn y dirgel, ond mae ein diolchiadau iddo yn fawr iawn. Dymunwn ymddeoliad hapus iawn i Albert ac iddo gael iechyd i fwynhau blynyddoedd dedwydd yn y dyfodol.

Yn sgil ymddeoliad Albert, mae Eglwys Glanogwen yn gwahodd gwirfoddolwr/wraig fel clochydd a gofalydd. Os oes unrhyw un gyda diddordeb yn y swydd, yna fe ellir cysylltu gyda'r Eglwys, neu yn fwy penodol efallai, gydag Albert, gan ei fod yn fwy na pharod i gynnig cymorth, arweinid ac egluro dyletswyddau'r swydd. Gellir hefyd gysylltu gyda'r Ficer, Y Parch John Matthews, rhif ffôn – 01248 364991.

Mae yna nifer o aelodau yn cwyno oherwydd amrywiol anhwylder. Dymunwn adferiad llwyr a buan i chwi gan fawr obeithio y byddwch cyn hir yn medru mynychu rhai o'r gwasanaethau.

Dymunwn Nadolig Llawen a Blwyddyn Newydd Da, Hapus, Dedwydd a Bendithiol i bawb

Carneddi

Derfel Roberts

Llys Artro, Carneddi

600965

hylaw@btinternet.com

Dymuniadau Gorau
Nid yw Gwilym Jones wedi bod yn dda yn ddiweddar a threuliodd gyfnod yn yr ysbyty. Dymunwn adferiad llwyr a buan iddo.

Llwyddiant
Llongyfarchiadau i Catrin Elin Roberts, Llain ar lwyddo yn ei phrawf gyrru'n ddiweddar.

Mair Owen, Graianfryn, Carneddi (1926 – 2015)
Yn dilyn marwolaeth Mair ar yr 8fed o Ionawr eleni, mae cyswllt hir ag ardal Carneddi yn dod i ben – ar un adeg roedd y teulu yn rhedeg sawl busnes yn yr ardal sef becws, siop bwtsiar a groser.
Hoffai'r teulu ddiolch i bawb am y cymorth a'r gefnogaeth ddaru Mair ei dderbyn yn ystod ei salwch (Alzheimers) dros ddeng mlynedd olaf ei bywyd – nid yn unig i'r gofalywyr a'r gefnogaeth gan y gwasanaethau cymdeithasol ond hefyd am garedigrwydd a chymwynasau rhai o fewn y gymdogaeth - y gwerthwyr siop ddaru ei helpu gyda'i neges a'r unigolion ddaru ei chludo i fyny allt Penybryn.
Dymunwn hefyd ddiolch i swyddogion capel Jeriwsalem, y Parch. Dafydd Coetmor, Menai Williams, Stephen Jones a Chaffi Coed y Brenin am eu gwasanaethau. Derbyniwyd rhoddion ariannol er cof am Mair ac mae'r arian wedi ei drosglwyddo i Ganolfan Maesgeirchen ar gyfer gweithgareddau i'r cymdogion.

Marchnad Ogwen

Wel am noson! Llwyddiant ysgubol fu'r arbrawf o gynnal Marchnad Nadolig gyda'r nos. 'Roedd Neuadd Ogwen dan ei sang ac awyrgylch Nadoligaidd a chymunedol braf dros ben yn bodoli. Yn wir, mae'r dyddiad at y flwyddyn nesaf wedi ei logi yn barod! Diolch o galon i bawb am eu cyfraniad a'u cefnogaeth i lwyddiant y noson. Gobeithio y cawn gynnal un arall yn y gwanwyn.



Bydd Marchnad mis Ionawr fel arfer ar yr ail Sadwrn - sef y 9fed. Mae pawb yn edrych ymlaen am eich croesawu yn y Flwyddyn Newydd. Bydd stondin newydd gennym - sef 'Go Plan y Meals' gyda Bethan Mortimer. Mae Bethan yn paratoi bwyd iach i bartïon plant ac yn gwneud cawl o lysiau lleol i chwi ei flasgu cyn prynu. Croeso mawr i Bethan.
Mae'r Stondin Elusen yng ngofal 'Age Cymru Gwynedd a Môn' Bydd gan y Stondin wybodaeth a chyngor a allai fod o werth mawr i'r rhai hŷn. Nid oes Stondin Elusen yn rhydd tan 2017 erbyn hyn. Mae Marchnad Ogwen yn sicr wedi gallu rhoi cymorth gwerth chweil i achosion da yn y gymuned ac yn parhau i wneud hynny trwy'r flwyddyn nesaf.
Mae'r Stondin 'Un Tro' ar gael ym mis Ionawr.
Am wybodaeth lawn am y farchnad, ewch ar Facebook, Twitter @MarchnadOgwen, ar ein gwefan www.marchnadogwen.co.uk ac ar y Bwrdd Gwybodaeth sydd ym mhob Marchnad.
Nadolig Llawen a Blwyddyn Newydd Dda i'n holl gwsmeriaid a diolch yn fawr am eich cefnogaeth.

Collwyd yn y Rhyfel Mawr Ganrif i'r mis hwn

ER COF
Am
William Hughes
Milwr Cyffredin 18178
"A" Coy. 16th Bn.,
Ffiwsilwyr Brenhinol
Cymreig
A fu farw
11 – 12 – 1915
Yn 22 oed
Mab William a Mary
Hughes, 9 Ffordd Pantglas

(Diolch i Andre Lomozik am ei anfon i'r Llais)

Rhagfyr

Mis y dyddiau byrraf yw Rhagfyr. Elfennau'r gair 'rhagfyr' ydi 'rhag a 'byr', a'i ystyr ydi 'o flaen' neu 'arwain at' y dyddiau byrraf.

Daw'r dydd byrraf un ar yr 21ain o'r mis, sef Dygwyl Sant Thomas. Er bod y ddaear yn mynd i gysgu yr adeg hon o'r flwyddyn, mae gweithgarwch cudd yn y pridd. Fel y dywed un o ddiarhebion Ffrainc:

'Nid yw Natur byth yn gorffwys'.

Tregarth

Olwen Hills (Anti Olwen)

44 Bro Syr Ifor, Tregarth

600192

Angharad Williams

23 Ffordd Tanrhiw, Tregarth

601544

Gwaeledd
Gwellhad buan a llwyr i Williams Hughes, Isallt, Allt Cerrig Llwydion fu yn ysbyty Gwynedd yn ystod y dyddiau dwytha yn dilyn damwain. Gobeithio’n wir eich bod yn gwella, Bill.

Profedigaeth
Cydymdeimlwn fel ardal gyda Val a Henry Heyward, Bro Derfel yn dilyn y brofedigaeth o golli chwaer Val, sef Jean o Langefni.

Diolch
Dymuna Gwyneth Morris, 11 Maes Ogwen, ddiolch o galon i bawb a gofiodd amdani yn ystod ei chyfnod yn yr ysbyty, ac wedi iddi ddod adref. Diolch am y cardiau a’r ymweliadau a’r holl garedigrwydd a ddangoswyd tuag ati. Roedd Gwyneth yn gwerthfawrogi hyn i gyd. Diolch yn fawr iawn.

Clwb 100 Canolfan Tregarth			
Mis Hydref			
52	Nigel Beidas	£15	
48	Mari Gruffydd	£10	
17	Bessie Buckley	£5	
Mis Tachwedd			
27	Sulwen Jones	£15	
10	Rhys Llwyd	£10	
25	Peter Roberts	£5	

Arian ar Gael i Astudio trwy’r Gymraeg

Mae’r Coleg Cymraeg Cenedlaethol yn cynnig arian i’r rhai hynny sy’n dymuno dilyn cyfran o’u cwrs prifysgol trwy gyfrwng y Gymraeg yn 2016. Gall unrhyw ddarpar fyfyrwr wneud cais am ysgoloriaeth gan y Coleg Cymraeg er mwyn derbyn hwb ariannol sylweddol yn ystod eu cyfnod yn y brifysgol.

Cynigir hyd at £3,000 i fyfyrwyr sy’n dymuno astudio o leiaf 66% o’u cwrs trwy’r iaith a hyd at £1,500 i rai sydd eisiau dilyn o leiaf 33% ohono trwy’r Gymraeg. Yn ychwanegol, mae Ysgoloriaeth William Salesbury o £5,000 ar gael i unigolyn sydd am astudio cwrs a gynigir yn gyfan gwbl trwy’r Gymraeg. Mae cannoedd o gyrsiau ar draws prifysgolion Cymru yn gymwys i dderbyn yr arian a dylid sicrhau bod cwrs yn gymwys i dderbyn ysgoloriaeth cyn ymgeisio. Y dull gorau o wirio a yw cwrs yn gymwys yw trwy ddefnyddio’r Chwilotydd Cyrsiau sydd ar wefan y Coleg Cymraeg neu trwy lawrlwytho’r fersiwn Ap.

Un oedd yn falch o glywed bod Cemeg yn gymwys i dderbyn arian oedd Rhodri Williams, gafodd ei eni a’i fagu yn Gran Canaria ond sydd bellach yn astudio ym Mhrifysgol Bangor.

“Roedd derbyn arian gan y Coleg Cymraeg yn golygu fy mod yn gallu ymgymryd â chyfnod o brofiad gwaith sy’n debygol o wella fy sgiliau Cymraeg. Rwy’n falch fy mod i’n gallu siarad Cymraeg ond roedd ysgrifennu trwy’r Gymraeg yn brofiad newydd cyn dod i Fangor. Fuaswn i’n annog darpar fyfyrwyr i fanteisio ar y cyfleoedd i ddilyn rhan o’u hastudiaethau prifysgol trwy’r Gymraeg ac ymgeisio am yr arian a gynigir trwy’r ysgoloriaethau.”

Am ragor o wybodaeth cysylltwch â Manon Llwyd-Bowen, Swyddog Datblygu Marchnata a Chyfathrebu, ar 01267 610414, neu e-bostiwch m.llwyd-bowen@colegcymraeg.ac.uk

Capel Shiloh

Oedfa am 5.00 oni nodir yn wahanol

Rhagfyr 13:

Gwasanaeth Nadolig y plant a’r ieuenctid am 4.00 o’r gloch

Rhagfyr 20:

Gwasanaeth Carolau

Rhagfyr 24:

Noswyl y Nadolig

Gwasanaeth Cymun am 6.00 o’r gloch

Rhagfyr 27:

John Gwilym Jones, Peniel, Caerfyrddin

Ionawr 3:

Trefniant Lleol

Ionawr 10:

Philip Barnett

Ionawr 17:

Gwyndaf Jones, Bangor

Ionawr 24:

Dafydd Coetmor Williams, Llanllechid

Ionawr 31:

Idris Thomas, Deiniolen

Mae’n braf iawn cael croesawu ein horganydd, Wyn Williams, Tyddyn Dicwm, yn ôl i’w sedd ger yr organ wedi’i lawdriniaeth yn Ysbyty Gwynedd, yn ddiweddar. Gwellhad llwyr a buan i chi, Wyn.

Anfonwn ein cofion at amryw o aelodau’r capel sydd wedi methu â dod i’r oedfaon. Dymuniadau da atoch i gyd.

Talybont

Neville Hughes

14 Pant, Bethesda

600853

Pêl-droed
Llongyfarchiadau i Sam Parry, Dolhelyg sydd wedi cael sesiwn prawf yn chwarae pêl-droed dan nawdd tîm enwog Everton. Da iawn, Sam!

Eglwys St. Cross
Te Nadolig
Cynhaliwyd ein Te Nadolig blynyddol yn Ysgoldy Maes y Groes ar y Sadwrn olaf o fis Tachwedd. Roedd nifer dda wedi troi allan er garwed y tywydd. Diolch i bawb am ein cefnogi, ac am y rhoddion mewn arian a nwyddau. Diolch arbennig i Phyllis Davies a’r tîm am eu gwaith caled yn trefnu pnawn llwyddiannus. Gwnaed elw o £805.00.

Boreau Coffi
Parhau mae’r boreau coffi yn yr ysgoldy o 10.30 – 12.00 ar ddydd Mawrth cyntaf o’r mis.Cynhelir y nesaf ar 5 Ionawr. Croeso cynnes i bawb.

Dathlu’r Adfent
Ar y Sul olaf o Dachwedd cynhaliwyd gwasanaeth undebol i’r 6 eglwys yn Eglwys Crist Glanogwen i ddathlu’r Adfent. Arweiniwyd y gwasanaeth gan ein ficer, y Parchedig John Mathews, gyda’r Barchedig Christine McCrea yn traddodi’r bregeth. Cymerwyd rhan gan aelodau o eglwysi’r fro. Diolch i’r aelodau am eu croeso.

Gwasanaeth Carolau
Cynhelir gwasanaeth carolau ar fore Sul, 20 Rhagfyr am 10.30. Croeso cynnes i bawb.

Capel Bethlehem
Oedfaon y Sul
Rhagfyr 20: Oedfa Nadolig gyda phlant yr Ysgol Sul; Rhagfyr 27: Dim Oedfa;
Ionawr 3: Oedfa Blwyddyn Newydd – yr aelodau; Ionawr 10: Ein Gweinidog;
Ionawr 17: Parchg. W.H. Pritchard, Bae Trearddur; Ionawr 24: Ein Gweinidog.

Oedfaon am 2.00 oni nodir yn wahanol. Croeso cynnes i bawb.

Clwb Plant
Cynhaliwyd sesiwn o’r clwb yn y festri ar 24 Tachwedd o

dan y teitl JAM (Joio a Moli) – ac fe gafwyd hwyl gan y plant oedd yn bresennol.

Ffair Nadolig
Roedd y festri’n llawn pobl a miri plant nos Fawrth, 1 Rhagfyr ar gyfer ein Ffair Nadolig flynyddol. Noson lwyddiannus dros ben gydag elw dros £800.00. Diolch i bawb am ein cefnogi, am y rhoddion hael ac am y gwaith caled.

Bwrllwm
Yn dilyn cyfarfod olaf y tymor ar 3 Rhagfyr, edrychwn ymlaen at gychwyn ein 11eg tymor ddydd Iau, 7 Ionawr, 2016.

Y Cleifion
Roedd yr aelodau’n falch o ddeall bod Mrs Nerys Coleman a Mrs Augusta Williams wedi dychwelyd gartref o’r ysbyty. Da hefyd oedd gweld bod Mr Llew Jones a Mrs Rhiannon Williams yn dal i wella. Anfonwn ein cofion a’n dymuniadau gorau at Mrs Falmai Pritchard, priod ein gweinidog, wrth iddi gychwyn ar gyfnod o driniaeth.

Gwasanaeth Nadolig i’r Teulu
Cofiwch am yr oedfa Nadolig yng nghwmni plant yr Ysgol Sul, am 2 o’r gloch ar 20 Rhagfyr. Bydd paned a mins pei i bawb ar y diwedd. Gwneir casgliad arbennig tuag at Apêl Nadolig Cymorth Cristnogol.

Nyth y Gân

Dal Geiriau

Mae geiriau fel pysgod mewn afon
Yn nofio yn rhwydd hyd y dydd,
Ac yno o fewn eu cynefin
Y teimlant yn braf ac yn rhydd.

Mor anodd yw dal rhai ohonynt
A’u gosod i orwedd mewn cerdd
Oherwydd yn gyflym y nofiant
I lechu dan dorlan werdd.

Mae’r bardd sydd yn llunio’r delyneg
Yn gweld y darlun yn iawn
Ond geiriau sydd yn mynegi
Y cyfan i eraill yn llawn.

Daw gair ar ôl gair iddo weithiau
Gan ateb ei gilydd mor glir
Fel pysgod yn nofio’n y pyllau
Yn nwf’n eu cynefin yn hir.

Dafydd Morris

LLAIS

| 10 |

OGWAN



Merched y Wawr Tregarth

Dathlu'r Nadolig mewn steil oedd hanes aelodau Cangen Tregarth o Ferched y Wawr, Nos Lun, Rhagfyr 7 a hynny yn Y Felin, Pontrug. Daeth nifer dda o'r aelodau ynghyd a chafwyd pryd o fwyd rhagorol. Diolch i Angharad a Margaret am wneud yr holl drefniadau trylwy'r a diolch i Fysus Gwyrdd Rhiwlas am ein cludo yno'n saff. Anfonwyd cofion am wellhad i nifer o'r aelodau sydd ddim gydag iechyd da iawn ar hyn o bryd. Cyfeiriwyd at Ena Morris Jones, Nesta Llwyd a Nesta Williams a chydymdeimlwyd gyda Val Heyward a gollodd ei chwaer, Jean, yn Llangefni yn ystod mis Tachwedd. Bydd y gangen yn cyfarfod nesa' ar Chwefror 1 gyda noson yng nghwmni Ioan Doyle. Croeso cynnes i bawb i Festri Capel Shiloh am 7.30.

UCAC yn dathlu pen-blwydd yn 75 mlwydd oed

Sefydlwyd UCAC (Undeb Cenedlaethol Athrawon Cymru) yng Nghaerdydd yn 1940 gan grŵp o athrawon oedd yn gweld yr angen am undeb athrawon fyddai'n ymateb i anghenion penodol athrawon Cymru ac yn brwydro dros addysg Gymraeg. Ar 14 Rhagfyr 2015, roedd UCAC yn dathlu pen-blwydd arbennig yn 75 mlwydd oed. Bu dau o Ddyffryn Ogwen yn Llywyddion Cenedlaethol UCAC, sef Selwyn Jones, Rachub (gynt o'r Gerlan), a William D. Parry, Bangor (gynt o Rhes Gordon, Bethesda). I gofnodi 75 mlynedd ers ei sefydlu, bydd UCAC yn lansio archif ddigidol ar-lein fydd yn cynnwys lluniau, dogfennau, posteri a chyhoeddiadau amrywiol. Mae'r undeb yn galw ar aelodau presennol, cyn-aelodau, teuluoedd sylfaenwyr yr undeb, ac unigolion sydd â chysylltiad â'r undeb i fynd i dwrio am luniau, dogfennau neu effemera yn ymwneud â'r undeb. Bydd UCAC yn sganio ac yn cofnodi pob eitem ddaw i law mewn cydweithrediad â Chasgliad y Werin Cymru dros yr wythnosau nesaf, a gyda chaniatâd, yn cyhoeddi'r deunydd ar-lein. Mae'r undeb yn annog pobl i ddod i gysylltiad â hwy os oes ganddynt ddeunydd perthnasol: 01970 639 950 neu ucac@ucac.cymru.



Merched y Wawr Rhiwlas

Linda oedd yn llywyddu cyfarfod mis Tachwedd ac fe derbyniwyd ymddiheuriadau oddi wrth Annes, Bet, Agnes, Nia a Gwen. Trafodwyd materion o'r Rhanbarth a hefyd y newyddion Cenedlaethol. Croesawyd Gareth Roberts, Menter Fachwen, yn ôl atom, – mae'n ddipyn o ffefryn gennym. Mae wedi dod yn adnabyddus am y mapiau bro y mae'n eu llunio ac am y teithiau diddorol y mae'n eu trefnu yn yr ardal. Cawsom hanes y daith a wnaeth o Gaernarfon i Gaer yn dilyn y ffordd Rufeinig. Roedd y daith yma yn 76 milltir ac yn cymeryd tridiau i'w chwblhau, ac fe lwyddodd i godi £7,000 tuag at Ymchwil y Galon. Eglurodd mai ar y daith yma y daeth y syniad i lunio'r mapiau. Roedd yn dangos lluniau o lefydd diddorol ym Mhlwyf Llanddeiniolen a chyda'i gefndir ym myd ffilm a ffotograffiaeth roedd yn gosod yr anifeiliaid a'r cartrefi yn y lluniau fel y buasent wedi edrych ganrifoedd yn ôl. Roedd hyn yn hynod ddiddorol ac ar y funud y mae'n casglu gwybodaeth am gaeau pêl-droed. Oes rhywun yn cofio Rhiwlas Athletic neu Glasinfryn Swifts? Mae'r ganolfan i'r gweithgareddau yma ar y Stryd Fawr yn Llanberis. Cawsom noson ddiddorol a hwyliog, a diolchwyd iddo ar ein rhan gan Helen. Einir a Carol oedd yn gyfrifol am y baned a Iona enillodd y raffl. Y Cwis Cenedlaethol. Annes, Bet, Linda a Iona oedd yn cynrychioli'r gangen eleni a daethant yn gyntaf yn y Rhanbarth gydag 87 o farciau. Cangen Radyr enillodd yn genedlaethol gyda 90 o farciau ond roeddem yn falch iawn fod cangen Rhiwlas yn agos i'r brig! Ni fydd cyfarfod ym mis Ionawr. Fis Chwefror fe fydd Dr Deri Tomos yn dod atom i drafod sut yr ydym yn ymateb i wahanol liwiau a pham.

Rachub a Llanllechid

Dilwyn Pritchard
Llais Afon, 2 Bron Arfon,
Rachub LL57 3LW
☎ 601880

Dymuniadau Gorau

Pob dymuniad da i Gwion Elis Williams, Yr Hen Bwl, a'i gymar, Nia, sydd bellach wedi symud i Ecwador. Erbyn y Nadolig byddant wedi symud i Beriw cyn cartrefu ym mis Chwefror yn Esquel, yn nhalaith Chubut ym Mhatagonia. Bydd Nia yn cychwyn ar ei gwaith fel athrawes Gymraeg yno a Gwion yn gweithio ym maes cadwraeth. Pob hwyl i'r ddau.

Pen-blwydd Hapus

Llongyfarchiadau i Brian Edwards, 16 Maes Bleddyn a ddathlodd ei ben-blwydd yn 70 oed yn ddiweddar. Dymuniadau gorau iddo oddi wrth Marian, Malc, Christopher a'r teulu i gyd.

Un arall fu'n dathlu pen-blwydd arbennig yn ddiweddar oedd Mrs Margaret Roberts, Yr Hen Ysgol. Gobeithio iddi hithau fwynhau'r dathlu.

Cydymdeimlad

Trist yw gorfod cofnodi colli cymeriad ac un o hogia' Rachub, sef Einion Owen ac yntau'n 75 mlwydd oed. Einion oedd yr olaf o blant Poll a Huw Postman, Caer Groes. Bu farw yn sydyn ar Dachwedd 8 yn ei gartref yn

Nhan-y-Garth yng nghwmni ei deulu a fu mor agos atynt. Treuliodd y rhan helaeth o'i oes waith ar safleoedd adeiladu, gydag ysbaid yn ffatri Feranttis ym Mangor a sbel ar y gwaith trydan yn Llanberis. Roedd yn chwaraewr caled i dim llwyddiannus Llechid Celts gyda'i frawd Emrys, ac yn gefnogwr brwd o dim Lerpwl. Bu'r angladd yn yr Amlosgfa dan ofal y Parch. Dafydd Coetmor Williams. Anfonwn ein cydymdeimlad at Margaret, Eryl, Alison, Gary, Ian a'r teulu i gyd yn eu profedigaeth.

Ar Dachwedd 10, daeth y newydd trist am farwolaeth Eirian Jones, Hen Barc a hithau ond yn 59 mlwydd oed. Bu eirian yn dioddef yn ddewr o salwch cas ers rhai misoedd. Cymeriad hwyliog oedd Eirian a oedd yn gweithio yn Ysbyty Gwynedd, a thrwy ei salwch a'r dyddiau duon mynnodd ei chymeriad ei ddangos ei hun. Bu'r angladd ar Dachwedd 17 gyda'r gwasanaeth yng Nghapel Jerusalem ac ym mynwent Coetmor. Anfonwn ein cydymdeimlad at Hefin a Llifon a'r teulu i gyd yn eu colled.

Anfonwn ein cydymdeimlad at Mrs Dorothy Williams, Bron Arfon ar achlysur trist o golli ei brawd, Don, ym Mhenrhos, Bangor.

Llongyfarchiadau

Pob dymuniad da i David Allsup a Jena Tugwell, Bron Bedw ar achlysur eu priodas ar ddiwedd mis Tachwedd. Cynhaliwyd y

parhad ar y dudalen nesaf...

Rhiwlas

Iona Jones
17 Bro Rhiwen, Rhiwlas
☎ 01248 355336

Clwb Rhiwen

Cyfarfod Tachwedd 9fed: Cafwyd sgwrs a phaned anffurfiol yn y Neuadd gyda Dilys ac Ann yn gofalu am y baned. Ann a Gareth enillodd y raffl.

Ar Dachwedd 25ain aeth nifer ohonom i Fron Goch. Roedd yn lliwgar iawn yno a'r addurniadau Nadolig yn werth eu gweld. Roedd pawb wedi mwynhau eu hunain yno.

Marwolaeth

Ar yr ail o Dachwedd bu farw Mrs Sheila Bright, Hillcrest yn 83 mlwydd oed. Roedd ei chysylltiadau â'r pentref yn mynd yn ôl nifer o flynyddoedd gan i'w rhieni hefyd fyw yn yr ardal. Symudodd hi a'i diweddar ŵr o Birmingham i Rhiwlas yn 1980. Bu'n aelod ffyddlon yn Eglwys Sant Siôr, sef yr eglwys fechan ar droad Carreg y Gath ac sy bellach yn dŷ. Roedd wrth ei bodd hefyd yn mynychu Clwb Rhiwen ac yn y blynyddoedd diweddar roedd yn gallu bod yn bresennol gan fod Dilys yn garedig iawn yn ei nôl a'i danfon yn y car.

Roedd y gwasanaeth yn Amlosgfa Bangor gyda'r Parch. John Mathews yn gwasanaethu,

a chafwyd teyrnged gan ei nai, Roger, a darlleniad gan Gill, un o'i chymdogion.

Yn yr Ysbyty

Y mae Mr John Huw Evans Bro Rhiwen yn Ysbyty Gwynedd ers rhai wythnosau ond yn gwella ac yn gobeithio dod adref yn fuan. Mae'n parhau i'n hatgoffa pan mae hi'n noson plygu'r Llais! Anfonwn ein cofion ato ef ac at eraill yn y pentref sy heb fod yn teimlo'n dda.

Calendrau

Cofiwch am galendr Llais Ogwan sy ar werth am £4. Anrheg Nadolig addas a defnyddiol!

Cyfarchion Nadolig

Nadolig Llawen i'n darllenwyr, a diolch i'r dosbarthwyr hefyd am eu gwaith drwy'r flwyddyn. Mae'n help garw iddynt os ydynt yn derbyn y taliad am y flwyddyn, os yn bosibl. Diolch yn arbennig i Gareth am ddod i blygu bob mis.

Llongyfarch

Mae Osian, Gwydion a Leah a'r teulu oll am longyfarch Sara Evans, 57 Braichmelyn ar ennill gradd BSc mewn Seicoleg gyda'r Brifysgol Agored. Pob dymuniad da i'r dyfodol.

Cyngor Cymuned Llanddeiniolen

Adroddwyd yn y cyngor bod angen atgyweirio un bin halen yn Lôn Carreg y Gath, a bod un bin halen wedi diflannu o Fro Rhiwen.

Beth sy'n mynd ymlaen yn y Dyffryn

DYDDIADUR BOREAU COFFI 2015/2016

Ionawr 2016

16 Ionawr	Cefnfaes – Capel Jerusalem
05 Mawrth	Cefnfaes - Plaid Cymru.
19 Mawrth	Cefnfaes - Cronfa Goffa Tracey Smith.
09 Ebrill	Cefnfaes – Plaid Lafur.
16 Ebrill	Cefnfaes – Capel Jerusalem.
23 Ebrill	Cefnfaes – Eisteddfod Gadeiriol Dyffryn Ogwen.
30 Ebrill	Cefnfaes – Eglwys Sant Cedol, Pentir
07 Mai	Cefnfaes – Neuadd Talgai.
14 Mai	Cefnfaes – Cymorth Cristnogol
21 Mai	Cefnfaes – Gorffwysfan
24 Medi	Cefnfaes – Cronfa Goffa Tracey Smith.
29 Hydref	Cefnfaes – Eglwys Sant Cedol, Pentir
19 Tachwedd	Cefnfaes – Neuadd Talgai

Pwysig

Os yn trefnu Bore Coffi yn ardal Bethesda, bydd y rhestr uchod yn gymorth i chi ddewis dyddiad gwag. Gallwch wedyn gynnwys eich dyddiad chi ar y rhestr hon. Bydd yn cael ei diweddarau ac yn ymddangos pob mis. Anfonwch y manylion at Neville Hughes (600853).

Cymdeithas Hanes Dyffryn Ogwen

Nos Lun 11 Ionawr 2016 am 7.00 o'r gloch

yn Festri Capel Jerusalem

BETHAN JONES PARRY

Cais Safle Treftadaeth Byd y Diwydiant Llechi

£1.50 wrth y drws neu am ddim i aelodau.

Eglwys Annibynnol Bethlehem Talybont

GWASANAETH NADOLIG

yng nghwmni plant yr Ysgol Sul

Dydd Sul 20 Rhagfyr, 2015 am 2:00yp

Casgliad at Apêl Nadolig Cymorth Cristnogol

Canolfan Cefnfaes BETHESDA

• GYRFA CHWIST •

12 a 26 Ionawr 2016
am 7.00 o'r gloch

Dewch i fwynhau
nosweithiau difyr

Marchnad Ogwen

Yr ail ddydd Sadwrn yn fisol

Ionawr 9ed

Neuadd Ogwen, 9.30am - 1.30pm

Chwefror 13eg

Neuadd Ogwen, 9.30am - 1.30pm

Mawrth 12fed

Neuadd Ogwen, 9.30am - 1.30pm

Bwydydd, Creffttau, Lleol

www.marchnadogwen.co.uk
Twitter #MarchnadOgwen Facebook

CYFARCHION NADOLIG



Ni fydd **Mr a Mrs Tom Williams**, Tŷ Coetmor,

Bryn Bela na **Len a Megan Williams**, Hen Bost, Gerlan yn anfon cardiau Nadolig eleni, ond maent yn dymuno Nadolig Llawen a Blwyddyn Newydd Dda i bawb.

Mae'r **Parchedig Geraint Hughes** a'i briod **Ann**, yn anfon cyfarchion o Bwllheli, ac yn dymuno Nadolig llawn bendithion a Blwyddyn Newydd Dda i bobl Dyffryn Ogwen.

ENGLYNION

Y Geni

Ganed y mab amgenach - o lwynau'r
Fair lân na bu'i glanach,
Nad cyffredin mo'i linach
Ond Duw'n bod mewn plentyn bach.

Alan Llwyd

'A Hwyl a Gawsant y Dyn Bach...'

Ni wyddom am ddim rhyfeddach, - Crëwr
Yn crio mewn cadach,
Yn Faban heb ei wannach,
Duw yn y byd fel Dyn Bach.

Eirian Davies

CAFFI COED Y BRENIN

Mae Karen a'r staff yn
dymuno Nadolig Llawen a
Blwyddyn Newydd dda i'w
holl gwsmeriaid ffyddlon,
hen a newydd.
Diolch am eich cefnogaeth
drwy'r flwyddyn.

Cofiwch Brynu Calendr Llais Ogwan



Yr anrheg Nadolig ddelfrydol

£4.00 yn y siopau lleol

neu ffoniwch Dafydd Fôn
Williams 01248 601583



Nadolig Llawen a Blwyddyn Newydd Dda
i holl ddarlennwyr y Llais





Siop Trin Gwallt a Harddwch

Bethesda 600094

Yn arbenigo mewn trin gwallt merched, dynion a phlant.
Cynghori, gosod a thorri wigiau
Rhai gwasanaethau harddwch a shafio
(rasal "cut throat")

DAFYDD CADWALADR

Cynhyrchion Coedlannol

Coed Tân - Llwythi bach a mawr
Ysglodion pren i'r ardd
Ffensio a thorri coed
Asiant system gwresogi trwy losgi coed

01248 605207

Pob math o waith trydanol

Huw Jones

Ymgwymerwr Trydanol
Trydanwr cymwysedig gyda phrofiad diwydiannol

Y Wern, Gerlan, Bethesda
Gwynedd LL57 3ST
Ffôn: 01248 602480

L. Sturrs
a'i feibion
sefydlwyd yn 1965

ADEILADWYR

Hen Iard Stesion,
Ffordd y Stesion, Bethesda

Ffôn: 600953

lsturrs@googlemail.com

Y Douglas Arms

* Lluniaeth i Bartïon * Te Cynhebrwng *
* Gardd Gwrw * Te a Choffi *
Oriau Agor
Llun – Gwener: 6.00 - 11.00
Sadwrn: 3.30 – 12.00
Sul: Pnawn 1.00 - 4.00, Hwyr 8.00 -11.00
01248 600219
www.douglas-arms-bethesda
Cewch groeso cynnes gan Gwyn a Christine

Gareth Williams
Trefnydd Angladdau

Crud yr Awel
1 Ffordd Garneddwen
Bethesda

Ffôn: (01248) 600763 a 602707
GWASANAETH DYDD A NOS

Oriel Cwm
Cwm y Glo, Caernarfon

Gwasanaeth fframio lluniau o bob math ar gael ar y safle
Prisiau rhesymol
Arddangosfa gan artistiaid lleol

Ffôn / Ffacs 01286 870882
RICHARD S. HUMPHREYS



Malinda Hayward
(Gwniadwraig)

Awel Deg
Penygroes, Tregarth.

Am unrhyw waith gwnïo
- trwsio, altro ac ati -

Ffoniwch
01248 601164

CAFFI COED Y BRENIN
1 Rhes Buddug, Bethesda

Ffôn: 01248 602550
karena@agoriad.org.uk

Bwyd cartref blasus
(mewn awyrgylch cyfeillgar)

Cinio arbennig bob dydd Iau

Bwyd i'w gario allan

Gwasanaeth arlwyio ar gyfer partïon o bob math - plant, pen-blwydd ac ati
(yn y caffi neu mewn lle o'ch dewis chi)

Cacennau ar gyfer pob achlysur e.e. priodas neu ben-blwydd

Prisiau rhesymol

BISTRO'R BRENIN
(Bwyty Trwyddedig)
Rydym yn croesawu partïon o bob math – dathlu pen-blwydd ac achlysuron arbennig eraill.
Beth am eich Parti Nadolig?

Gadewch i
Londri Coed y Brenin
wneud eich golchi

Londis Bethesda

☎ 01248 605566
Archfarchnad hwylus
Gwasanaeth personol
gyda'r pwyslais ar y cwsmer
Tocynnau Loteri, cardiau a biliau trydan a nwy
Ar agor 7.00 y bore tan 10.00 yr hwyr
7 diwrnod yr wythnos

JOHN ROBERTS



Paentiwr
Papurwr
Teilsiw'r

Symudol: 07747 628650
Ffôn: 01248 600995

C.L. JONES

Masnachwyr Coed a Nwyddau Adeiladu

Bethesda	01248 600045	Cludiant am ddim yn lleol	Mynytho	01758 730768
Caernarfon	01286 676070	Stoc helaeth ac amrywiol	Llanrwst	01492 640794
Llangefni	01248 751677	Croeso i gyfrifon masnachol	Siop yn Llanrwst	01492 640794
		Staff cyfeillgar a phroffesiynol		
		Popeth ar gyfer y diwydiant a D.I.Y		

Mae Arddangosfa Ceginau ac Ystafelloedd Ymolchi yn ein cangen yn Llangefni a'r Siop yn Llanrwst

parhad Rachub a Llanllechid.

briodas ym Mhlas Maenan. Dymuniadau gorau i'r teulu at y dyfodol.

Y ‘Royal’ ar Newydd Wedd
Dros yr wythnosau diwethaf mae gryn brysurdeb wedi ei weld yn y ‘Royal’ wrth i berchnogion y dafarn wario arian i wella'r cyfleusterau, hynny am y tro cyntaf ers rhai blynyddoedd. Gosodwyd lloriau newydd, paentio'r adeilad, gosod dodrefn newydd ac yn fwy na dim mae'r toiledau yn anhygoel ar ôl y gwaith gwella. Dywedodd Geraint bod ffenestri newydd i'w gosod ar ddechrau'r flwyddyn. Hefyd mae 5 set deledu wedi eu gosod ar waliau'r dafarn. Cwmni lleol H.D.I. fu'n gyfrifol am yr holl waith, sydd yn rhywbeth newydd yn hanes y perchnogion. Fel arfer anfon cwmnïau o ffrwd i wneud y gwaith drostynt a wnânt. Dywedodd Derfel Roberts o H.D.I. ei bod wedi bod yn bleser gweithio ar y cynllun. Defnyddiwyd cwmnïau lleol i gyflawni'r holl ddeunydd, a llafur lleol fu'n gyfrifol am yr holl waith. Gobeithio y bydd pobl Rachub yn falch o'r holl newidiadau. Bydd Alison a Geraint yn falch o estyn croeso i chi dros gyfnod y Nadolig ac wrth gwrs dros y blynyddoedd nesaf.

Nadolig
Gyda'r Nadolig unwaith eto ar ein gwarthaf, cymeraf y cyfle i anfon cyfarchion y tymor i chwi i gyd, gan gofio am nifer o ardalwyr sydd yn dioddef o salwch.

Mae Gwilym Rees Evans, Ceunant, Llanllechid yn dymuno Nadolig Llawen a Blwyddyn Newydd Dda i'w deulu, ei ffrindiau a'i gymdogion.

Yr un yw'r cyfarchiad gan Mrs Betty Jones, Caer Groes. Mae Mrs Jones am nodi na fydd yn anfon cardiau eleni ond mae'n sicrhau ei bod yn cofio ac yn meddwl amdanoch.

Gwellhad
Da cael adrodd fod nifer o drigolion wedi dod adref o'r ysbyty ar ôl treulio amser yno'n ddiweddar, yn eu plith mae Mrs Augusta Williams, Bron Arfon a Michael Williams, Lôn Groes. Anfonwn ein cofion atynt am wellhad buan.

Cylch Ti a Fi
Mae Pwyllgor y cylch am ddymuno Nadolig Llawen i bawb ac am ddiolch i nifer helaeth o bobl sydd wedi eu helpu dros flwyddyn brysur o weithgarwch, ac i swyddogion y Clwb Criced

am adael iddynt ddefnyddio'r adeilad. Bydd y Cylch yn ail ddechrau ar Ionawr 8, 2016 ac mae Keilly yn estyn gwahoddiad i'r aelodau presennol a rhai newydd i ymuno â hwy yn y Clwb Criced. Am ragor o wybodaeth, cysylltwch gyda Keilly ar 01248 602874.

Capel Carmel

Bu aelodau'r Clwb dwylo Pysur yn brysur iawn yn paratoi nwyddau ar gyfer y Nadolig, drwy ddylunio cardiau, gwnïo llinellau bwrdd a phaentio gwydrau amrywiol. Yn ystod Tachwedd cawsom afael ar y Beibl newydd, sef Beibl.net. Manteisiwyd ar y cyfle i ddarllen rhannau ohono gan ei gymharu â'r Beiblau eraill sydd gennym. Yn ystod tymor y Nadolig bydd yr aelodau'n cymryd rhan gyda'r plant a'r bobl ifanc yng Ngwasanaeth Nadolig y Plant a'r Bobl Ifanc ar Ragfyr 20.

Trefn Gwasanaethau
Rhagfyr 20: Oedfa Nadolig (5.00yp)
Rhagfyr 25: Oedfa (9.30yb)
Rhagfyr 27: Carolau (10.30yb)
Ionawr 03: Gweinidog – Cymun.(5.00yp)
Ionawr 10: Parchg. Dewi T. Morris (2.00yp)
Ionawr 17: Parchg. Ddr. Siôn Aled Owen (2.00yp)
Croeso cynnes i bawb.
Gwasanaethau'r Nadolig
Nos Sul, Rhagfyr 20 am 5 o'r gloch: Gwasanaeth Plant a'r Bobl Ifanc
Bore'r Nadolig
Gwasanaeth am 10:00
CROESO I BAWB



Owain gyda'r Beibl newydd.

Clwb Hanes Rachub, Caellwngrydd a Llanllechid

Clwb Hanes Rachub, Caellwngrydd a Llanllechid. Croesawyd yr aelodau i Festri Carmel gan y Trysorydd, Mrs Fiona Griffiths i gael cyflwyniad gan Mr Dei Fôn Williams am ‘ddau deulu lwcus’ a fu’n byw yn yr ardal ers canrifoedd.

Y teuluoedd dan sylw oedd y teulu Williams a’r teulu Elis, - pobol a ddaeth yn dirfeddianwyr drwy ffawd, a hynny o ganlyniad i ddigwyddiadau fel newid ffiniau ffermydd, dyfodiad y chwareli a thyfiant cyflym y pentrefi.

Roedd yn sgwrs hynod fanwl, diddorol a thrylwyr, a gwerthfawrogyd yr ymchwil yn fawr gan aelodau'r clwb.



Aelodau'r Clwb y tymor yma.

Pentir

Anwen Thomas
Min yr Afon,
11 Rhydygroes, Pentir

☎ 01248 355686

Cyngerdd er Cof am Averill Thomas
Yn unol â dymuniadau Averill a fu farw ar ei haelwyd ar Gorffennaf 4ydd 2015 ar ôl brwydr urddasol bu iddi gael angladd gwbl breifat yn ei chartref. Felly, trefnir Cyngerdd er Cof am Averill er mwyn i'w ffrindiau ddod i ddweud hwyl fawr. Cynhelir y gyngerdd yn Eglwys St Cedol, Pentir nos Wener, Chwefror y 5ed am 7.00pm. Fe fydd Y Boncathod a Hogia'r Bonc yn cymryd rhan. Cynhelir y noson - yn ogystal â bod er cof am Averill - i godi arian i Hospis yn y Cartref Gwynedd a Môn, Marie Curie ac er budd achosion lleol eraill a gefnogodd Averill ac Anwen drwy'r daith. Bydd tocynnau ar gael gan Anwen merch Averill. Cysylltwch a hi ar 07749069219, gellir hefyd dalu wrth y drws ar y noson. Hoffai Anwen gymryd y cyfle yma i ddiolch i bawb am eu cefnogaeth a'u geiriau caredig a phob arwydd o gydymdeimlad a

dderbyniwyd ganddi o golli mam a ffrind arbennig iawn. Mae croeso cynnes i bawb a adnabu Averill neu sydd eisiau dod i gefnogi'r elusennau haeddiannol yma!

Casglu Newyddion Pentir
Hoffai Anwen atgoffa pawb yn ardal Pentir i anfon deunydd ar gyfer Llais Ogwan ati hi yn fisol, os gwelwch yn dda.

Eglwys St Cedol, Pentir

Clwb 100 Mis Tachwedd
1af - 23 Ann Williams, Glasinfryn
2il - 43 Ann Illsley, Pentir
3ydd - 9 Beryl Williams, Bethesda
Ffair Nadolig
Brynhawn Sadwrn, 20 Tachwedd cynhaliwyd ein Ffair Nadolig yn y Ganolfan, Glasinfryn. Roedd yn brynhawn hwyliog a llwyddiannus, gydag amrywiol stondinau a raffl, a phawb wedi mwynhau. Hoffwn ddiolch i bawb am eich cefnogaeth.
Gwellhad
Fel Eglwys hoffem anfon ein cofion a chyfarchion yr Ŵyl i'r aelodau a chyfeillion sydd

parhad ar y dudalen nesaf...

ddim yn dda eu hiechyd, - Bill Perry, Nant y Garth; Mai Williams, Rhiwlas sydd nawr yng Nghartref Cerrig yr Afon, y Felinheli; Robin Jones, Bethel; a Victor Bradley, Rhiwlas sydd yng Nghartref Plas Garnedd, Pentraeth. Rydych oll yn ein meddyliau a’n gweddïau.

Cyfarchion
Hoffa aelodau Eglwys St Cedol ddymuno Nadolig Llawen a Blwyddyn Newydd Dda i holl drigolion y fro, gan ddiolch i chwi am eich cefnogaeth yn ystod y flwyddyn. Diolch yn fawr.

Gwasanaethau’r Sul
Pob gwasanaeth am 9.45yb os na nodir yn wahanol.
20.12.15 Cymun Bendigaid
24.12.15 9.30yh Offeren Noswyl Nadolig
27.12.15 10yb Cymun Bendigaid - yr unig wasanaeth yn y plwyf
5.1.16 Cymun Pawb
10.1.16 Boreol Weddi
17.1.16 Cymun Bendigaid

Mae croeso cynnes i chwi fynychu’r gwasanaethau.

Glasingfryn Caerhun

Marred Glyn Jones
2 Stryd Fawr, Glasingfryn, Bangor, LL57 4UP

 01248 351067

marred567@btinternet.com

Bedydd
Bedyddiwyd Erin Môn, wyres Gwyn a Susan Roscoe, Bro Infryn yn Eglwys Glanogwen, Bethesda ar ddydd Sul, 29 Tachwedd gyda’r Parchedig Christina McCrea yn cymryd y gwasanaeth. Mae Erin yn ferch i Sioned Môn a James Roberts ac yn chwaer i Efan Môn.

Cydymdeimlo
Bu farw Fred Evans (peintiwr), 5 Waen Wen ar 13 Tachwedd. Cynhaliwyd y gwasanaeth angladd ar 20 Tachwedd yng Nghapel Berea, Bangor ac yna ym mynwent Pentir. Cydymdeimlwn â’i wraig, June, ei ferch a’i fab, Linda a Keith, a’r teulu oll yn eu profedigaeth. Rydym yn meddwl amdanoch.

Rydym yn cydymdeimlo hefyd â Jocelyn Bowen, 10 Waen Wen sydd wedi colli ei mam, Mrs Edna Jones. Roedd Mrs Jones yn 96 oed ac yn byw mewn cartref yn Llandudno.

Brysiwch wella
Dymunwn wellhad buan i Mrs Carol Williams, Fferm Tyddyn Heilyn sydd wedi derbyn triniaeth yn Ysbyty Gwynedd yn ddiweddar.

Gohirio’r Bingo
Gohiriwyd y sesiwn Bingo er budd Tŷ Gobaith a’r Ambiwllans Awyr y bwriadwyd ei gynnal yn y Ganolfan yng Nglasingfryn ddechrau’r mis hwn tan y gwanwyn. Gwnaethpwyd y penderfyniad i ohirio oherwydd y tywydd stormus.

Sefydliad y Merched
Cynhaliwyd ein cyfarfod blynyddol ar 11 Tachwedd yng nghwmni Mrs E Rhys Williams sy’n drefnydd gwirfoddol. Un o Ben Llŷn yw Mrs Williams ac yn byw ym Mhenrhos ger Pwllheli. Braf oedd croesawu wyneb newydd i’r cyfarfod a bu’r noson yn un llwyddiannus. Sarah Flynn oedd llywydd y noson. Ni fu fawr o ffwdan wrth ethol swyddogion am y flwyddyn nesa oherwydd i bawb gytuno i gario mlaen â’u swyddi a phawb yn barod i helpu’r naill a’r llall. Felly, bu gwaith Mrs Williams yn rhwydd ac wedi ei gwblhau mewn chwinciad! Bu Mrs Mair Griffiths yn cyflwyno dyddiadau i ni am y mis nesa.

Cofiwch am y cinio Nadolig, a’r trip i’r pantomeim. Diolchwn i Mair am ei gwaith trylwyr yn trefnu ac yn gofalu amdanom. Wedi mwynhau paned, mins pei a bara brith(bendigedig) wedi ei baratoi gan Mair a Glenys, bu Sarah yn ddiwyd yn dangos inni sut i wneud addurniadau Nadolig.

Roeddynt yn syml ac yn hawdd eu gwneud (medda fi!) gan ddefnyddio gwastraff. Roedd angen dipyn o amynedd ond dwi’n siŵr y basa’r plantos wrth eu bodd efo’r addurniadau. Cofiwch, mae’n rhaid cael bocs sbwriel!

Tybed oes ‘na rhywun fasa’n hoffi ymuno â ni yng Nglasingfryn? Rydym yn deulu bach croesawgar iawn. Ein cinio Nadolig fydd ein cyfarfod nesa. Hwyl a Nadolig Llawen i bawb!

Ymson Mair

Heno datgelwyd i minnau paham y mae pen y bryniau oll yn oll yn llawenhau: mae'r achos yn fy mreichau.



T. Arfon Williams

Mynydd Llandygái

Theta Owen
Gwêl y Môr, Mynydd Llandygái

 600744

Eglwys St. Ann a St. Mair
Rhag. 20: 9.45 y.b. Gwasanaeth "Naw llith a Charol".
Rhag. 24: 11.30 y.h. Cymun Cyntaf y Nadolig.
Rhag. 27: 10.00 y.b. Cymun - Eglwys St. Cedol, Pentir. (Yr unig gwasanaeth yn y plwyf y Sul hwn).
Ion. 3: 9.45 y.b. Gwasanaeth Teuluol.
Ion 10: 9.45 y.b. Cymun
Ion. 17: 9.45 y.b. Boreol Weddi.

Estynnwn groeso cynnes i bawb ymuno â ni yn ein gwasanaethau dros y Nadolig. Diolch i bawb a gefnogodd y Ffair Nadolig. Enillydd yr Hamper Nadolig oedd Mrs Pat Hart, Mynydd Llandygái. Os oes unrhyw un yn dymuno derbyn Cymun gartref dros yr Ŵyl, cysylltwch ag un o'r wardeiniaid - Peter Price (601199) neu Janet Williams (600434). Carem ddiolch i'r Parchedigion John Matthews, Christina McCrea ac Idris Thomas am eu cefnogaeth gydol y flwyddyn ac i swyddogion yr eglwys am eu gwaith di-flino. Ein dymuniadau gorau i bawb sy'n sâl ar hyn o bryd. Anfonwn ein cofion cywiraf atoch i gyd a dymunwn Nadolig Llawen a Blwyddyn Newydd Dda i'n cyfeillion oll.

Cyfarchion Nadolig

Hen ŵyl lawen deuluol - er yr heth A'r oer wynt gaeafol;
Cariad a miwsig carol
Yn dwyn naws y beudy'n ôl.



T. Llew Jones



@Llais_Ogwan

Nyth y Gân

Guto Ffowc
Un a gafodd ei gofio yw y gŵr
A garodd y ffrwydro;
Bradychwyd a daliwyd o
I dynnu sôn amdano.

Yr Hen Goedwig
Coedwig flinedig ydoedd, bu wrthi'n
Aberthu am oesoedd;
Âi hen wreiddiau mewn priddoedd,
Hefo llw yn sefyll oedd.

Tryweryn
Ein tri arwr Tryweryn a gofiwn
Â gofid mewn deigrin;
O dan arswyd llwyd y llyn
Enciliodd Capel Celyn.



Dafydd Morris

.....

Tachwedd
Llid gwayw llais y gaeaf drywanodd
Â dwyreiniol anaf;
Darnio a rhwygo’r haf,
Nawr wylo o’r briw olaf.

Y Griafolen
Yn foel mae’r griafolen ar esgair,
Yr asgwrn ar domen;
Heb ffrwyth mae wyneb ei phren
Yn ofnus ar y gefnen.

Y Wiwer
O faes i gasglu’r fesen y daw hi’n
Daer hyd frigau’r dderwen;
Yn gall, hel cnau y gollen,
A phêr iawn yw ffrwyth ei phren.



Goronwy Wyn Owen

Coeden Nadolig

Pren y plant a'r hen Santa, - a'i wanwyn
Yng nghanol y gaea';
Ni ry ffrwyth nes darffo'r ha',
Nid yw'n ir nes daw'n eira.



Dic Jones

Eisteddfod Gadeiriol Dyffryn Ogwen 2015

Canlyniadau

NOS WENER 20 Tachwedd

Unawd Lleisiol:

1af – Erin Fflur - Caernarfon
2il – Bethan Elin Wyn Owen - Bodedern
3ydd – Gwion Jones - Ysgol Brynrefail

Unawd Offerynnol (yn cynnwys piano):

1af – Math Roberts - Ysgol Brynrefail
2il – Gwenno Morgan - Bangor
3ydd – Owain Llestyn Thomas - Ysgol Brynrefail

Côr Cymysg/Meibion/Merched:

1af – Côr Dre
2il – Côr hŷn Ysgol Dyffryn Ogwen
3ydd – Côr y Penrhyn

Cyflwyniad dramatig:

1af - Bethan Elin Wyn Owen - Bodederen
2il - Ymgom Brynrefail

Rhaglen o Adloniant i Ysgolion Uwchradd

1af – Band chwyth Ysgol Syr Hugh Owen
2il – Pedwarawd y 4 ffidl - William Mathias
3ydd - Côr Iau Ysgol Dyffryn Ogwen

DYDD SADWRN 21 Tachwedd

Llefaru Meithrin.

1af – Medi Haf - Ysgol Llanllechid
2il – Elan Morris - Ysgol Llanllechid
3ydd – Bleddyn Evans- Ysgol Abercaseg

Unawd Meithrin.

1af -Medi Haf - Ysgol Llanllechid
2il - Elenia D'Amora - Ysgol Abercaseg
Cydradd 3ydd - Jiwda Parry - Ysgol Bodfeurig a Lili Mair - Cylch Llanllechid

Llefaru Derbyn.

1af - Hari Rees - Ysgol Llanllechid
2ail - Elis Fôn - Ysgol Llanllechid
3ydd - Wil Dafydd - Ysgol Llanllechid a Celyn Rhys - Ysgol Abercaseg

Unawd Derbyn.

1af – Wil Dafydd - Ysgol Llanllechid
2il – Hari Rees - Ysgol Llanllechid
3ydd – Celyn Rhys - Ysgol Abercaseg

Llefaru Blwyddyn 1.

1af – Osian Cross - Ysgol Abercaseg
2il – Gwenno Beech - Ysgol Llanllechid
3ydd – Alana Davies - Ysgol Llanllechid

Unawd Blwyddyn 1.

1af – Sylvie Griffiths - Ysgol Abercaseg
2il – Gwenno Beech - Ysgol Llanllechid
Cydradd 3ydd – Beca Pritchard a Elin Tomos - Ysgol Abercaseg

Llefaru Blwyddyn 2.

1af - Seren Mai Roberts - Ysgol Llanllechid
2il – Erin Carson - Ysgol Llanllechid
3ydd – Dwynwen Pritchard a Gruffudd Williams - Ysgol Abercaseg

Unawd Blwyddyn 2.

1af – Seren Mai Roberts - Ysgol Llanllechid
2il – Esther Parry - Ysgol Tregarth
3ydd – Erin Carson a Dwynwen Pritchard - Ysgol Abercaseg

Llefaru Blynyddoedd 3 a 4.

1af – Madeleine Sinfield - Ysgol Llanllechid
2il – Ruby Jên- Ysgol Llanllechid
3ydd -Chenai Chikanza- Ysgol Llanllechid

Unawd Blynyddoedd 3 a 4.

1af – Madeleine Carter- Lewis - Ysgol Llanfairfechan
2il – Cian Iolen Rhys - Ysgol Pen y Bryn
3ydd -Lois Jones - Ysgol Llanllechid a Ellie Roberts - Ysgol y Pen y Bryn

Llefaru Blynyddoedd 5 a 6

1af – Adam Williams - Ysgol Llanllechid
2il – Martha Jones - Ysgol Pen y Bryn
3ydd – Wil Roberts - Ysgol Llanllechid

Unawd Alaw Werin Blwyddyn 6 ac iau.

1af – Mari Fflur Bullock - Ysgol Llanllechid
2il – Maredd Morris - Ysgol Llanllechid
3ydd – Madeleine Carter-Lewis - Ysgol Llanfairfechan

Unawd Cerdd Dant Blwyddyn 6 ac iau.

1af – Efa Glain Jones - Ysgol Llanllechid
2il - Madeleine Carter-Lewis - Ysgol Llanfairfechan

Unawd Blynyddoedd 5 a 6.

1af – Efa Glain Jones - Ysgol Llanllechid
2il – Erin Griffiths - Ysgol Llanllechid
Cydradd 3ydd – Anest Bryn - Ysgol Pen y Bryn a Wil Roberts - Ysgol Llanllechid

Parti Llefaru Ysgol Gynradd.

1af – Parti Ysgol Llanllechid
2il – Parti Ysgol Peny Bryn
3ydd - Parti Ysgol Tregarth

Unawd Offerynnol Blwyddyn 6 ac iau.

1af – Maredd Morris - Ysgol Llanllechid
2ail - Cerys Elen a Swyn Owen - Ysgol Llanllechid
3ydd – Ariel Lichenstein a Grace - Ysgol Pen y Bryn

Unawd Piano Blwyddyn 6 ac iau

1af - Mari Fflur Bullock - Ysgol Llanllechid
2ail- Gwenan Grug - Tregarth
3ydd -Swyn Owen - Ysgol Llanllechid

Grŵp Offerynnol Blwyddyn

Cydradd 1af - Grŵp 1 a Grŵp 2 Ysgol Llanllechid
2il - Ysgol Tregarth
3ydd -Ysgol Pen y Bryn

Parti Unsain Blwyddyn 6 ac iau.

1af – Parti Ysgol Llanllechid
2il – Parti Bl.5 Ysgol Pen y Bryn
3ydd – Parti Bl.6 Ysgol Pen y Bryn

Côr Blwyddyn 6 ac iau.

1af – Côr Ysgol Llanllechid
2il – Côr Ysgol Pen y Bryn

Grŵp Dawnsio Disgo Blwyddyn 6 ac iau

1af - Losin Pinc - Bethel
2il - Ysgol Llanllechid

Tarian Perfformiad Gorau am Lefaru

Seren Mai Roberts - Ysgol Llanllechid

Tarian Perfformiad Gorau Cerddorol

Efa Glain Jones - Ysgol Llanllechid

Canlyniadau Llên

Enillydd y Gadair:

Ffion Gwen Williams – Llannefydd, Dinbych

Enillydd y Fedal Ryddiaith:

Lowri Williams - Bethesda



Enillydd Medal yr Ifanc:

Elin Cain - Ysgol Dyffryn Ogwen

Englyn: John Parry, Llanfair Pwllgwyngyll

Englyn ysgafn: Y Parch K. M. Lintern, Clydach, Abertawe

Stori fer: Lynda Ganatsiou, Thessaloniki, Gwlad Groeg

Llên yr Ifanc UWCHRADD

Blynyddoedd 7-9:

1af – Ella Baker - Ysgol Dyffryn Ogwen
2il – Beca Nia - Ysgol Dyffryn Ogwen
3ydd - Osian Sanderson - Ysgogl Dyffryn Ogwen

Blynyddoedd 10-11:

1af – Martha Glain Evans - Ysgol Dyffryn Ogwen
2il – Esme Crowe - Ysgol Dyffryn Ogwen

CYNRADD

Stori

1af – Maredd Morris - Ysgol Llanllechid
2il – Swyn Owen - Ysgol Llanllechid
3ydd – Mari Fflur Bullock - Ysgol Llanllechid

Cerdd

1af – Swyn Owen - Ysgol Llanllechid
2il – Gwion Llew Pritchard - Ysgol Llanllechid
3ydd – Gwion Llew Pritchard - Ysgol Llanllechid

Eisteddfod Gadeiriol Dyffryn Ogwen 2015

Lluniau



Plant Meithrin yn barod i gystadlu fore Sadwrn.



Unawd Meithrin (o'r chwith): Lili Mair, Cylch Llanllechid - cydradd 3ydd. Jiwda Parry, Ysgol Bodfeurig - cydradd 3ydd. Elenia D'amora, Ysgol Abercaseg - 2il. Medi Haf, Ysgol Llanllechid - 1af



Llefaru Derbyn (o'r chwith): Celyn Rhys, Ysgol Abercaseg - cydradd 3ydd. Wil Dafydd, Ysgol Llanllechid - cydradd 3ydd. Elis Fôn, Ysgol Llanllechid - 2ail. Hari Rees, Ysgol Llanllechid - 1af.



Llefaru Blynnyddoedd 3 a 4 (o'r chwith): Ruby Jén, Ysgol Llanllechid - 2il. Chenai Chikanza, Ysgol Llanllechid - 3ydd.



Rhian Roberts yn derbyn englyn wedi'i fframio yn rhodd gan Mary Jones, Cadeirydd y Pwyllgor, ar ran yr Eisteddfod. Bu Rhian yn cyfeilio yn yr eisteddfod am ddeng mlynedd ar hugain.

Rhian Roberts
*(i gydnabod ei gwasanaeth hir a nodedig i
Eisteddfod Gadeiriol Dyffryn Ogwen)*

Mae ei hanian a'i mwyniant yn y gân
Ac mewn gwir hyfforddiant;
Rhoi her yn bleser i blant,
Yn allwedd i ddiwylliant.
Ieuan Wyn



Rhai o blant Ysgol Abercaseg yn perfformio'r Ddawns Flodau



Unawd Blwyddyn 2 (o'r chwith): Erin Carson, Ysgol Llanllechid - cydradd 3ydd. Seren Mai Roberts, Ysgol Llanllechid - 1af. Dwynwen Pritchard, Ysgol Abercaseg - cydradd 3ydd. Esther Parry, Ysgol Tregarth - 2ail.



Côr Buddugol - Ysgol Llanllechid. Bl. 6 ac iau.

Eisteddfod Gadeiriol Dyffryn Ogwen 2015



*Llefaru Blynnyddoedd 3 a 4:
Madeleine Sinfield, Ysgol
Llanllechid - 1af.*



*Unawd Blynnyddoedd 3 a 4 (o'r chwith): Lois Jones, Ysgol
Llanllechid - cyd-radd 3ydd. Ellie Roberts, Ysgol Pen y Bryn - cyd-
radd 3ydd. Cian Iolen Rhys, Ysgol Pen y Bryn - 2il.*



*Llefaru Blynnyddoedd 5 a 6:
Martha Jones, Ysgol Pen y
Bryn - 2il.*



*Efa Glain Jones, Ysgol
Llanllechid, Enillydd Tarian
Perfformiad Gorau Cerddorol.*



*Llefaru Blynnyddoedd 5 a 6 (o'r
chwith): Wil Roberts, Ysgol
Llanllechid - 3ydd. Adam
Williams, Ysgol Llanllechid - 1af.*



*Unawd Blynnyddoedd 5 a 6 (o'r chwith): Wil Roberts, Ysgol
Llanllechid - cyd-radd 3ydd. Anest Bryn, Ysgol Pen y Bryn -
cyd-radd 3ydd. Erin Griffiths, Ysgol Llanllechid - 2il. Efa Glain
Jones, Ysgol Llanllechid - 1af.*



Grŵp Dawnsio Disgo Blwyddyn 6 ac iau: Ysgol Llanllechid - 2il.



*Unawd Offerynnol Blwyddyn 6 ac iau (o'r chwith): Ariel
Lichenstein, Ysgol Llanllechid - cyd-radd 3ydd. Cerys Elen a Swyn
Owen, Ysgol Llanllechid - cyd-radd 2il. Mared Morris, Ysgol
Llanllechid - 1af.*



*Côr Hŷn Ysgol Dyffryn Ogwen a gipiodd yr ail wobwr yng
nghystadlueaeth y Corau nos Wener.*



*Unawd Blwyddyn 1 (o'r chwith): Beca Pritchard, Ysgol Abercaseg
- cyd-radd 3ydd. Sylvie Griffiths, Ysgol Abercaseg - 1af. Elin
Tomos, Ysgol Abercaseg - cyd-radd 3ydd. Gwenno Beech, Ysgol
Llanllechid - 2il.*

Eisteddfod Gadeiriol Dyffryn Ogwen 2015



Unawd Piano Blwyddyn 6 ac iau: Gwenan Grug, Tregarth - 2il.



Llenyddiaeth Ysgolion Cynradd y Dalgylch - STORI
(o'r chwith): Mari Fflur Bullock - 3ydd. Swyn Owen - 2il. Mared Morris - 1af. Y cyfan o Ysgol Llanllechid.

Gair o'r Dosbarth

Ysgol Penybryn

Mr John Grisdale

Daeth Mr John Grisdale (gwirfoddolwr ac aelod o Dîm Achub Mynydd Llanberis) i roi cyflwyniad i ddisgyblion 5 a 6 a oedd yn egluro'r gwaith y mae'r tîm arbennig hwn yn ei wneud. Dangosodd luniau o rai unigolion anghyfrifol iawn yn paratoi i fynyddau mewn esgidiau a dillad anaddas, ac eglurodd sut y gall y tywydd newid mewn eiliadau ar yr Wyddfa. Gwelsom luniau o'r hofrennydd coch a gwyn yn achub pobl o'r mynyddoedd a dywedodd mai dim ond 7 munud y mae'n gymryd i'r hofrennydd gyrraedd Ysbyty Gwynedd o'r Wyddfa! Cawsom weld beth oedd ym mag mynyddau Mr Grisdale a'i fodelu o flaen y dosbarth! Rydym yn ddiolchgar iawn i Mr Grisdale am ei ymweliad ac am gyflwyniad diddorol iawn!

Castell Caernarfon

Mae disgyblion Blwyddyn 5 a 6 wedi bod ar ymweliad i Gastell Caernarfon gan ein bod yn dysgu am fywyd yn yr oesoedd canol yn y dosbarth! Cawsom ein tywys o amgylch y castell a dysgu sut yr oedd y milwyr yn amddiffyn y castell a hefyd am fywyd y gweithwyr ar unigolion a oedd yn ymweld â'r Castell!

Eisteddfod Dyffryn Ogwen

Cafwyd Eisteddfod lwyddiannus eto eleni. Roedd bron 60 o blant yr ysgol yn cystadlu rhwng y llefaru, canu, offerynnau, celf, llawysgrifen ayyb. Braf iawn yw gweld cymaint yn cymryd rhan ac yn mwynhau'r profiad. Dyma'r canlyniadau:

Côr: 2il, Parti Unsain Bl. 5: 2il, Parti Unsain Bl.6: 3ydd, Parti Unsain Bl.4: 4ydd, Parti Llefaru: 2il, Band: 3ydd, Llefaru Unigol: Martha Jones 2il, Unawd Bl.5a6: Anest Bryn 3ydd, Unawd Bl.3a4: Cian Rhys 2il, unigol Bl.3a4: Eli Roberts 3ydd, Model 3D: Sean Robins 1af, Ffotograffiaeth: Siôn Lewis 1af, Coginio Bl.5&6: Siôn Lewis 2il, Llun Bl.5a6: Gruff Hughes, Llawysgrifen Bl.3&4: Rhiannon Roberts 1af, a Megan Ellis 3ydd, Llawysgrifen Bl.5a6: Grace Mayhead 1af a Daisy Drage-Ansell 2il, Llawysgrifen. Plant eraill a fu'n cystadlu'n unigol: Sienna D'Amora, Cadi Williams, Robyn Wharton-Griffiths, Betsan Griffiths, Ela Jones, Ella Lois, Grace Mayhead, Rhiannon Roberts, Hannah Hughes, Neve Atkinson, Nel Roberts, Cadi Eames, Ela Sturrs-Hughes, Elin Morris, Gwennan Griffith, Alex Mayhead, Mared Rowlands a Cara Williams.

Gala Nofio

Llongyfarchiadau gwresog i bawb fu'n cystadlu yn y Gala Nofio ym Mangor. Roedd safon y cystadlu'n uchel a gwnaeth bawb o Ben-y-bryn yn arbennig o dda. Llongyfarchiadau arbennig i Gethin sydd yn mynd trwodd i'r rownd nesaf yng Nghaerdydd – pob lwc i ti!

Chwaraeon

Cafodd ddosbarth Glyder Fach sesiynau hoci ac roeddynt wedi mwynhau'n fawr. Dywedodd yr hyfforddwraig ei bod wedi mwynhau hyfforddi criw mor frwdfrydig.



Gala Nofio



Cystadleuwyr Penybryn a fu'n yr Eisteddfod

Cafodd genethod Blwyddyn 5 a 6 sesiwn flasu pêl-droed gan ddau o Brifysgol Bangor. Roedd y genethod wedi mwynhau'n arw ac mae ambell un yn awyddus i barhau gyda'r gêm.

Ffair Lyfrau

Cawsom Ffair Lyfrau Scholastic a fu yma am wythnos. Cafwyd ymateb gwych gyda dros £430 o lyfrau'n cael eu gwerthu a golyga hyn bod yr ysgol yn cael bron i £200 werth o lyfrau. Diolch yn fawr iawn i chi am eich cefnogaeth.

Ysgol Tregarth

Noson Gwricwlaidd

Ar Dachwedd 17, cafwyd noson gwricwlaidd hynod lwyddiannus ynglŷn â darllen. Roedd cyfle i rieni fynd o amgylch yr ysgol er mwyn edrych a gweld ein hadnoddau, gweithgareddau darllen ac enghreifftiau o'r profion cenedlaethol. Diolch yn fawr iawn i'r rhieni am fynychu ac am eu cefnogaeth.

Paid Cyffwrdd Dweud

Daeth tîm 'Paid Cyffwrdd Dweud' i'r ysgol eleni i siarad â'r plant am

parhad ar y dudalen nesaf...

beryglon cyffwrdd a meddyginiaeth. Roedd y cyflwyniad yn fywiog ac yn llawn hiwmor a chafwyd ymateb brwdfrydig iawn gan y plant i gyd.

Eisteddfod Dyffryn Ogwen

Da iawn i bawb o Ysgol Tregarth a ymdrechodd yn Eisteddfod Dyffryn Ogwen yn ddiweddar. Yn sicr roedd safon y cystadlu yn uchel iawn a pherfformiadau’r plant i gyd i’w canmol. Llongyfarchiadau i’r canlynol: Judah Parry 3ydd Unawd Meithrin, Esther Parry 3ydd Unawd Blwyddyn 2, Parti Llefaru 3ydd, Grŵp Offerynnol 2ail.

Ffair Nadolig

Cafwyd Ffair Nadolig lwyddiannus iawn eleni. Diolch o galon i’r Cyfeillion newydd a oedd wedi gweithio’n galed iawn i sefydlu pwyllgor a threfnu’r ffair. Diolch yn arbennig i Mrs Jane Parry am drefnu’r cyfan. Diolch i’r cwmnïau lleol am eu rhoddion a’u cefnogaeth. Diolch i chi i gyd am gefnogi, - llwyddwyd i godi dros £600. Bydd y pwyllgor yn cyfarfod eto i drefnu digwyddiad arall yn fuan - croeso cynnes i bawb.

Gala Nofio’r Urdd

Dydd Sadwrn Tachwedd 21ain, bu disgyblion Ysgol Tregarth yn cystadlu yng Ngala Nofio’r Urdd ym mhwill nofio Bangor. Nofiodd pawb yn arbennig o dda ac roedd yn brofiad gwerthfawr iawn i’r plant. Llwyddodd Lola o flwyddyn 4 i ennill y ras gefn a bydd yn mynd i’r genedlaethol yng Nghaerdydd yn Ionawr. Camp arbennig iawn o gofio ei bod yn cystadlu yn erbyn plant Eryri gyfan!

Plant Mewn Angen

Cafwyd diwrnod o hwyl yn yr ysgol i godi arian at elusen Plant Mewn Angen. Cafodd pawb y cyfle i ddod i’r ysgol wedi gwisgo’u pyjamas a gwneud gwallt gwirion. Roedd yr ysgol yn llawn o wahanol gymeriadau. Diolch i bawb wnaeth gyfrannu a’n helpu i godi £121.96 at yr achos.

Ysgol Llanllechid

Cofion

Anfonwn ein cofion at Rhian Haf a dymuniadau gorau am wellhad buan iawn oddi wrthym i gyd yn Ysgol Llanllechid.

Eisteddfod Dyffryn Ogwen

Cafwyd chwip o Eisteddfod eleni, a daeth y wobr gyntaf i’r côr, parti unsain, parti llefaru, a’r ensemble offerynnol a’r ail wobr i’r criw dawnsio disgo, ynghyd â myrdd o wobrau eraill i unigolion dawnus. Llongyfarchiadau hefyd i Efa ar ennill anrhydedd arbennig a derbyn y tlws am y perfformiad cerddorol gorau yn yr Eisteddfod. Diwrnod llwyddiannus dros ben! Llongyfarchiadau i bawb! Dymunaf ddiolch o galon i’r holl blant, staff, cyfeillion a rhieni am eu hegni ac am fod mor barod i gynorthwyo.

Plant Mewn Angen

Yn ôl ein harfer, cefnogwyd yr ymgyrch hon a chasglu swm sylweddol tuag at yr elusen. Diolch i bawb.

Ysgol Werdd

Da iawn bawb ym Ml 6 am ymgymryd â’r hyfforddiant beicio. Pawb yn gwrando’n astud ac i’w gweld o bell ar y lôn fawr yn eu siacedi llachar; pawb hefyd yn llawn sylweddoli’r angen i wisgo helmed. Hefyd, ddydd Llun, Tachwedd 23 daeth ‘Doctor Beics’ i’r ysgol i atgyweirio beiciau unrhyw un oedd angen help. Trodd un gilfach o’r ysgol yn weithdy beiciau a llwyddwyd i atgyweirio llawer un gan y Tîm Beicio. Byddwch yn llawer saffach ar hyd y lonydd rŵan! Un o’r gweithgareddau a oedd at ddant pawb yn ddiweddar, wrth i ni edrych ar ail-gylchu ac ail-ddefnyddio, oedd y Ffair Gyfnewid Dillad. Egwyddor dda yn cael ei gweithredu’n effeithiol. Diolch i bawb am gymryd rhan a llongyfarchiadau ar dderbyn eich tystysgrifau.

Sian Williams - Diolch

Diolch i Mrs Sian Williams, mam Sion ac Osian McColin, am wneud addurniadau arbennig yn rhodd i`r ysgol. Pob un o lythrennau’r geiriau Nadolig Llawn wedi eu gwnïo’n gelfydd.

Caroline Jones – Diolch

Diolch i Mrs Caroline Jones, (mam Noah) am ddod i’r ysgol i helpu gwaith y tîm Menter drwy gynhyrchu torchau Nadoligaidd gwerth eu gweld. Gwerthwyd y torchau yn ystod ein Bore Coffi ac roedd pawb am y cyntaf i`w prynu! Llawer o ddiolch i chi Mrs Jones am eich



Diolch i Siân Williams

cyfraniad pwysig i’n gweithgareddau Nadolig.

Ty’n y Maes

I Dy’n y Maes yr aeth Blwyddyn 4 i ddysgu sut i gadw’r corff yn iach a heini drwy gymryd rhan mewn sesiynau Yoga yng Nghaban Eryri, Ty’n y Maes. Bu’r disgyblion yn cael cyfleoedd i symud fel llewpart a phob math o anifeiliaid y jyngl. Roedd yr ymweliad hwn wedi bod yn werth chweil ac edrychwn ymlaen at gael ailadrodd hyn i gyd yn fuan.

Gweithdy Pontio a Chyngerdd Arbennig

Cafodd y disgyblion weithdy drama heb ei ail yn neuadd ein hysgol gan Iwan Charles, Mared a Gwennan. Llawer o ddiolch i chi am ysbrydoli ein disgyblion ac am ddatblygu eu creadigrwydd. Bydd Ysgol Llanllechid yn ymddangos yn Theatr Bryn Terfel ar Nos Sadwrn, Ebrill 30eg am 7.30p.m. Dewch yn llu!

Addurniadau Nadolig

Diwrnod o grwydro gerddi Castell Penrhyn gafodd dosbarth Mrs Rona Williams, a hynny er mwyn gwneud addurniadau Nadolig. Cafwyd gweithdy creadigol o dan y coed a chyfle i greu gyda deunyddiau naturiol y goedwig. Daeth y plant yn ôl i’r ysgol wedi gwneud pob math o addurniadau gan gynnwys sêr bach cywrain wedi eu gwneud o foncyffion.

Dringo Eferest - Mr Richard Bale

Rydym i gyd yn adnabod Mr Richard Bale yma yn Ysgol Llanllechid fel tad Aron a Harri. Ond, bellach mae disgyblion blwyddyn 5 a 6 yn adnabod Mr Bale fel gŵr sydd wedi rhoi blynyddoedd o wasanaeth i dîm Achub Mynydd. Felly, fel rhan o waith y dosbarth wrth astudio arwyr yn ein hardal leol, fe ddaeth Mr Bale i siarad gyda’r disgyblion am ei waith yn achub pobl oedd wedi bod mewn trafferthion ar fynyddoedd Eryri, gan ddangos yr offer arbenigol sydd ganddo.

Ond, roedd gan Mr Richard Bale gyfrinach! A dyma hi: Mae Mr Bale wedi dringo i gopa’r mynydd uchaf yn y byd! Ydi wir, heb air o gelwyddau! Dyna i chi beth ydi arwr! Treuliwyd orig ddifyr yn gwrando arno’n trafod yr antur honno ac roedd gweld y lluniau a’r golygfeydd ysbennnydd yn brofiad hollol unigryw i’r disgyblion. Hefyd, cafwyd cyfle i chwarae rôl ac ystyried sut y buasent yn goroesi’r tywydd garw ar lethrau Eferest. Rydym yn ddiolchgar iawn i Mr Bale am brynhawn fydd yn aros yn y cof am amser maith.

Diarhebion Noddedig

Mae pawb yn yr ysgol wedi bod wrthi fel lladd nadredd yn dysgu diarhebion! Felly os ydych yn cerdded ar hyd goridorau Ysgol Llanllechid fe glywch: Nid aur yw popeth melyn; I’r pant y rhed y dŵr; Deuparth gwaith yw ei ddechrau; Un wennol ni wna wanwyn; Un celwydd yn dad i gant a.y.b. Ac mae hyd yn oed ein plant bach Meithrin wedi llwyddo i ddysgu rhai, ac maent werth eu clywed! Diolch i chi rieni am fod mor barod i gefnogi’r disgyblion gyda’n Diarhebion Noddedig. Gwerthfawrogi’r fawr.

Bore Coffi Nadolig

Diolch yn fawr i bawb a fentrodd allan drwy ryferthwy’r storom i gefnogi ein Bore Coffi ar ddechrau Rhagfyr eleni. Cafwyd cefnogaeth anhygoel a llwyddwyd i godi £670 i gronfa’r ysgol. Mae gennym bwyllgor effeithiol iawn sy’n fodlon trefnu pob math o weithgareddau i helpu Ysgol Llanllechid. Diolch i chi ac i bawb a helpodd mewn unrhyw ffordd! Rydych yn gwybod pwy ydych chi! Diolch o galon!

Mae'r arian a godir yn cael ei sianelu yn ôl i'r plant ac yn ein cynorthwyo mewn cymaint o wahanol ffyrdd. Braf hefyd oedd gweld stondin Siop Ogwen yn bresennol gyda dewis da o lyfrau Cymraeg i blant!



Ariel, Anti Wendy a Hannah

Ysgol Iach

Bu rhai o'n disgyblion ym mwyty Dylan's ym Mhorthaethwy, gan gymryd rhan mewn cynllun FLAG Gwynedd a Môn. Pwrpas y cynllun yw dysgu am y maeth sydd mewn bwyd y môr a chefnogi ein cymunedau pysgota lleol. Cafwyd araith gan Dylan Evans, Llysgennad Bwyd y Môr ac yna cyfle i wylïo ffilmau byr am fywydau pysgotwyr a dysgu am wahanol brosiectau ynglŷn â sut i bysgota mewn ffordd sy'n gynaliadwy. Cafwyd amser da a chafodd Hanna, Ariel ac Anti Wendy ginio blasus ar ôl dysgu llawer, cyn dychwelyd i'r ysgol. A beth oedd ar y fwydlen? Wel, amrywiaeth o fwyd môr, wrth

gwrs! Diolch i Anti Wendy am ei chymorth.

Piggery Pottery

Aeth y Dosbarth Derbyn i'r 'Piggery Pottery' unwaith eto eleni, a dychwelyd i'r ysgol yn hynod falch o'u campweithiau crochenyddol!

Archfarchnad

Diolch i Lisa am y croeso yn siop Tesco, Bangor yn ddiweddar. Cafwyd cyfleoedd i flasuo pob math o fwydydd i gyd-fynd â thema'r dosbarth sef 'Bwyd Byd-eang' ac ym mysg yr holl weithgareddau amrywiol, cafodd pob un gyfle i bobi bara a rhyfeddu at effaith y burum!

Clwb yr Henoed

Do, daeth aelodau o Glwb yr Henoed i'r ysgol yn ôl eu harfer, i wrando ar ein disgyblion yn eu morio hi. Cyflwynwyd caneuon ein sioeau Nadolig, gan gynnwys carolau traddodiadol megis 'I Orwedd Mewn Preseb'. Diolch hefyd i rai o ddosbarthiadau'r Cyfnod Sylfaen am adrodd ribidirês o ddjarhebion. Braf iawn oedd gweld ein cyfeillion unwaith yn rhagor eleni cyn y Nadolig a diolch i chi fel Clwb am eich rhodd garedig i'r ysgol. Diolch arbennig i Anti Gillian, Anti Carol a Ms Leanne am baratoi'r wledd ar eu cyfer.

Gwasnaethau Boreol

Daeth y Parchedig John Pritchard i'r ysgol i gynnal gwasanaethau boreol. Cyflwynwyd llinell amser Y Beibl mewn ffordd ddiddorol iawn. Yn ystod y cyflwyniad, cafwyd cyfle i ddysgu'r dyddiadau â ganlyn: 1588 – William Morgan yn cyfieithu'r Beibl i'r Gymraeg; Beibl John Davies yn 1620; Y Beibl Cymraeg Newydd 1988; Y Beibl Cymraeg Newydd diwygiedig 2004; Beibl.net 2015 (Arfon Jones) I goroni'r cyfan, cyflwynodd ein gweinidog gopi o'r Beibl.net newydd yn anrheg i'r ysgol, a bydd o fudd garw i ni yn ein gwasanaethau boreol. Diolch o galon! Hefyd, cafwyd gwasanaeth boreol llawn miri gan gwmni Ephapha yn ddiweddar i ychwanegu at ein harlwy.

Mynydd Gwefru

Aeth dosbarthiadau Mrs M. Jones a Mrs Parry-Owen i grombil mynydd yn Llanberis i ddysgu am drydan. Dyna wefr oedd cael sefyll wrth ymyl y tyrbein dur, a'r ddaear yn crynu o dan ein traed! Pawb mewn cylch wedyn, yn adeiladu cylched go iawn! Mae dysgu trwy brofiadau uniongyrchol fel hyn yn sicrhau y bydd y profiadau yma yn aros yn y cof am byth! (Gobeithio!) Fel parhad i'w gwaith, cafodd y dosbarthiadau hyn fynd ar daith i Technique, Wrecsam. Diwrnod anturus yn llawn o arbrofion diddorol ar y thema trydan.

Archifdy

Cafodd dosbarthiadau Mrs Parry Owen a Mrs Marian Jones ymweliad gan swyddogion o'r Archifdy yng Nghaernarfon. Sut ddiwrnod oedd yn wynebu plentyn bach yn y dyddiau heb drydan? Dim cyfrifiadur nag 'I-Pad', dim ffôn nag 'Xbox'? Ond roedd pethau'n waeth fyth i'r oedolion; dim peiriant golchi na phopty, dim radio na char. Dyna hwy! oedd cael gwisgo yn nillad yr hen ddyddiau a smalio gwneud tân, tostio'r bara, llunau'r carped a smwddio dillad! Tybed pa oes oedd orau!?

Saer y Sêr Bl 3

Cafodd Dosbarth Mrs Bethan Jones fynd i Neuadd Ogwen i wylïo cynhyrchiad diddorol Theatr Y Fran Wen, 'Saer y Ser'. Lwcus ydan ni fod Neuadd Ogwen ar ein trothwy!

Gwersi Gymnasteg

Diolch i Mr Haydn Davies am fod mor barod i ddod i mewn i'r ysgol i gynnal sesiynau gwersi enghreifftiol i'r disgyblion. Pawb wrth eu boddau!

Gwersi Hoci

Diolch i Nicky Ashcroft am gynnal gwersi hoci i Flynyddoedd 5 a 6 yn ddiweddar.

Hwyl Fawr dros y Nadolig

Cewch hanes y sioeau a miri'r Nadolig yn y rhifyn nesaf ond gan mai hwn yw rhifyn olaf y flwyddyn hon, dymunaf flwyddyn newydd heddychlon i chwi oll ac fe'ch gwelwn yn ôl yn Ysgol Llanllechid ar Ionawr 5ed.

Ysgol Llandygái

Llongyfarchiadau!

Bu'r ysgol yn hynod lwyddiannus mewn amryw gystadlaethau yn ddiweddar. Cawsom wobwr yng Nghystadleuaeth T Llew Jones Llyfrgelloedd Gwynedd a daeth Anni Llŷn, Bardd Plant Cymru, atom am gyfnod i gynnal gweithdy barddoni gyda disgyblion Dosbarth Hedd. Yn ogystal â hyn cafodd pob disgybl yn yr ysgol gacen a diod i ddathlu a chawsom becyn o nofelau'r awdur T Llew Jones.

Hefyd, daeth amryw o ddisgyblion Dosbarth Enfys yn fuddugol yng Nghystadleuaeth Celf Eisteddfod Dyffryn Ogwen. Da iawn chi, blantos.

Gwobrau lu!

Mae'r ysgol wedi llwyddo i ennill Gobwr Arian Siarter Iaith Gwynedd ac wrthi'n barod yn ymgynraedd at y Wobr Aur. Hefyd, mae'r disgyblion wedi llwyddo i ennill Cam 3 Ysgolion Iach Gwynedd. Am dymor prysur.

Dydd Sadwrn yn Asda

Bu criw o rieni ac athrawon a phlant yn casglu arian drwy bacio bagiau cwsmeriaid yn Asda Bangor yn ddiweddar. Diolch i ASDA am drefniadau hwylus iawn ac yn bennaf diolch i bawb fu'n casglu. Casglwyd £764 o bunnoedd! Anhygoel !

Plant mewn Angen

Diolch i'r disgyblion a rhieni'r ysgol a gefnogodd yr elusen yma. Daeth y disgyblion i'r ysgol wedi gwisgo fel athrawon a daeth yr athrawon i'r ysgol fel disgyblion. Hefyd, roedd stondin gacennau a chystadleuaeth 'Pwy ydi'r Babi?' wedi cael ei threfnu gan y Cyngor Ysgol.

Apêl Bocs Sgidiau T 4 U

Diolch i'r disgyblion ddaeth â bocsys esgidiau yn llawn o anrhegion i'w hanfon i blant yng ngwledydd tlawd y byd.

Croeso

Croeso i ddwy fyfyrwraig sydd wedi dod atom o Goleg Menai am gyfnod, sef Chloe Ball ac Amy Roberts.

Digwyddiadau/Ymweliadau

Dyma restr o dripiâu neu ddigwyddiadau sydd yn digwydd yn ystod y pythefnos nesaf:

Rhagfyr 9fed - Cyngerdd Nadolig yr Ysgol yn Neuadd Dyffryn Ogwen ble bydd pob dosbarth yn perfformio amrywiol eitemau ynghyd â gwesteion arbennig sef Dylan Cernyw , Catrin Angharad ac Esyllt Tudur.

Rhagfyr 15fed - 'Naws y Nadolig' gwasanaeth ble y bydd y disgyblion, staff a Llywodraethwyr yr ysgol yn darllen rhannau o'r Beibl ac yn canu carolau traddodiadol yng nghwmni'r Parch John Matthews.

Rhagfyr 18fed - Diwrnod gwisgo siwmpwr Nadolig i godi arian at Gronfa Achub y Plant.

Bydd Dosbarth Awel yn ymweld â Chastell Penrhyn i ddathlu'r Nadolig Fictorianaid.

Bydd Dosbarth Tirion yn mynd i weld sioe Ysgol Tryfan-Bancsi Bach yng Nghanolfan Pontio.

Pantos - bydd y ddwy adran yn mynd i weld amrywiol 'bantos' er mwyn cael cyfle i weiddi, canu a mwynhau ar ôl tymor prysur.

Nadolig Llawen a Blwyddyn Newydd Dda i ddarllenwyr Llais Ogwan gan ddisgyblion a staff Ysgol Llandygái.

Ar draws

- 1 Gweli nad cof dryslyd ddaw o hyd iddo (6)
- 5 “Si hei lwli ----” (hwiangerdd) (4)
- 8 Er yr holl drafod, hwn yw aderyn Gwynedd (4)
- 9 Clodfori (8)
- 10 Merch ar y traeth carregog (6)
- 11 Math o ysgol (6)
- 12 ‘Te ddeg’ efallai (5,6)
- 15 Yn chwedlonol, rhoddwyd rhybudd i ŵr cas croes beidio mynd yn rhy agos i’r haul (6)
- 17 Da cwyn pan fo’r dolenni’n rhy wan (6)
- 19 Difater a diofal (8)
- 20 - - - - Jên, cantores 9Bach (4)
- 21 Dechrau ergydio o flaen braw yw bod yn ddewr (4)
- 22 I gau llygad (6))

I lawr


- 2 Un o brif wythiennau’r corff (5)
- 3 Rhoi cychwyn y sain ynghanol y wifren ddryslyd i gael gwedd neu ochr wahanol (7)
- 4 “- - - - i’r diwrnod ei ddrwg ei hun” (dihareb) (5)
- 5 Llawer gwaith (5)
- 6 Nid yn dda iawn na drwg iawn, ar adroddiad ysgol efallai (7)
- 7 Esbonio beth yw goleu’r haul (6)
- 12 Arlunydd byd-enwog yn annifyr ar ganol pasio dŵr ! (7)

- 13 Dy swil natur wna i ti fod fel hyn (2-3)
- 14 A welir da yn Rhufain ? (7)
- 16 Rhaid cael digon o - - - - - ar y ffyrdd pan fydd rhew ac eira (5)
- 17 Swnio fel gogleisio, ond i’r gwrthwyneb, cweir ydyw (5)
- 18 Siarad efo chi’ch hun (5)

Atebion TACHWEDD 2015

AR DRAWS 1 Smic, 4 Peg, 6 Cwcw, 8 Tramor, 9 Faenol, 10 Anfarwol, 11 Data, 12 Camgymeriadau, 17 Swil, 19 Robin Goch, 22 Addewid, 23 Nefoedd, 24 Glas, 25, Ddaw, 26 Ofni **I LAWR** 2 Moron, 3 Cymraeg, 4 Periw, 5 Gofalwr, 6 Caead, 7 Croatia, 13 Allweddol, 14 Meredydd, 15 Arnofio, 16 Uwch, 18 Lewis, 20 Benyw, 21 O Fewn

Dyma’r atebion cywir ddaeth i law y tro hwn : Doris Shaw, Bangor; E. E. Roberts, Llanberis; Emrys Griffiths, Rhosgadfan; Gareth William Jones, Bow Street; Rita Bullock, Gwen Evans, Gwyl a Barbara Owen, Gaynor Elis-Williams, David Morgan, Anne Smith, Bethesda; Eirlys Lewis, Penicuik; Rosemary Williams, Dulcie Roberts, Gareth a Sara Oliver, Elizabeth Buckley, Tregarth; Dilys A. Pritchard-Jones, Abererch; Gwenda Roberts, Rhosmeirch; Dilys Parry, Derek a Mai Jones, Rhiwlas; Elfed Evans, Karen a Tom Williams, Llanllechid.



Atebion erbyn **4 Ionawr, 2016** i ‘Croesair Rhagfyr’, Bron Eryri, 12 Garneddwen, Bethesda. LL57 3PD

Enw:

Cyfeiriad:

Ond yr un sy’n derbyn y wobr a’r clod y mis hwn yw: **Ellen Whitehouse, 21 Antringham Gardens, Edgbaston, Birmingham B15 3QL.** Da iawn chi.

Dyma groesair ola’r flwyddyn. Diolch o galon i’r rhai ohonoch a anfonodd gyfarchion Nadolig a gair o werthfawrogiad am y croesair. Atebion erbyn 4 Ionawr 2016 i ‘Croesair Rhagfyr’, Bron Eryri, 12 Garneddwen, Bethesda LL57 3PD.

Chwilair Strydoedd

A	A	W	F	H	R	I	E	J	L	C	M	B	V	B	H	X	J	U	I
S	L	O	N	G	R	O	E	S	V	S	H	E	I	M	G	V	H	M	D
W	H	U	Z	M	X	V	A	R	D	F	R	O	N	D	E	G	D	N	A
P	A	U	Q	U	S	O	F	H	R	B	P	Y	Q	Z	G	F	R	H	C
U	M	W	N	O	Y	R	I	E	A	R	S	Z	B	U	T	R	F	D	X
U	P	W	R	H	C	Q	H	S	W	Y	E	H	R	O	Y	O	E	N	E
G	E	O	M	H	E	P	T	S	T	N	C	B	O	B	C	N	U	O	U
J	P	L	T	M	I	V	V	T	D	H	R	C	S	B	B	C	F	N	R
F	O	G	J	V	I	I	R	A	R	E	X	I	A	M	H	H	T	N	T
O	S	K	O	P	W	R	C	N	T	D	M	K	L	N	C	W	B	Y	O
R	C	X	V	R	Y	H	S	L	T	Y	M	R	E	E	L	I	F	F	Y
J	D	Z	H	B	C	W	A	E	O	D	S	W	M	E	C	T	N	F	R
A	I	X	N	I	L	W	X	Y	J	D	R	J	R	M	B	H	O	Y	W
T	E	X	M	D	D	X	K	F	U	E	P	A	C	Q	Y	O	R	D	I
L	F	E	R	Y	Z	Q	R	O	D	C	W	T	D	G	W	S	F	Y	L
Z	E	B	R	E	A	J	K	D	J	H	C	L	N	L	R	V	Y	R	O
G	J	T	P	W	P	G	N	S	C	O	W	J	J	Q	U	L	N	T	F
S	S	V	T	X	E	A	U	E	G	H	S	L	Z	E	A	F	A	S	X
I	W	T	Z	H	T	K	A	V	B	R	Y	N	O	W	E	N	T	A	G
B	N	K	A	D	S	C	I	K	O	G	D	H	B	S	I	U	R	O	X

Yn y chwilair mis yma mae enw

DEUDDEG STRYD

Mae un cliw wedi ei ddangos yn barod. A oes modd i chwi ddod o hyd i’r gweddill? (Mae LL, CH, DD, TH, acyb yn **un** llythyren yn y Gymraeg, ond i bwrpas y chwilair dangosir hwynt fel dwy lythyren ar wahân). **Atebion gydag enw a chyfeiriad i Andre Lomozik, Zakopane, 7 Rhos y coed, Bethesda, Bangor, Gwynedd, LL57 3NW, erbyn Rhagfyr 1af** . Bydd gwobr o £10 i’r enw cyntaf allan o’r het. Os na fydd unrhyw un wedi canfod y deuddeg, yna’r rhif agosaf fydd yn cael y wobr. Rwyf yn falch nad yw’r rhan fwyaf ohonoch yn feddygon oherwydd bod pob math o enwau ar y sgerbwd wedi dod trwy’r post y mis diwethaf. Efallai cewch well hwyl ar ddarganfod enwau strydoedd y mis yma. Diolch yn fawr i Emyr a Heulwen Roberts, Ffordd Bangor am anfon yr enwau ataf. Nadolig Llawen a Blwyddyn Bewydd Dda i chwi oll, a diolch am y cardiau Nadolig. Dyma atebion Tachwedd:- asgwrn cefn, asgwrn y fforddwyd, cawell yr asennau, ffibwla; hwmerws; pelfis; penglog; pont yr ysgwydd; radiws; sternwm; tibia; wlna. Dyma enwau’r rhai a gafodd yr ateb cywir: Emrys Griffiths, Rhosgadfan; Elizabeth Buckley, Tregarth; Gaenor Jones, Ceredigion; Mair Jones, Bethesda; Rosemary Williams, Tregarth; Doris Shaw, Bangor; Elfed Bullock, Maes y Garnedd; Marilyn Jones, Glanffrydlas. Enillydd Tachwedd: Emrys Griffiths, 5 Llwyn, Rhosgadfan, Caernarfon LL54 7HN.

Ymgwymerwr adeiladu a
gwaith saer

Ronald Jones

Bron Arfon, Llanllechid
Bethesda

☎ 01248 601052

SAMARIAID

Mac
Llinell Gymraeg

0300 123 3011

ar gael bob nos rhwng
7.00pm ac 11.00pm

Blodau Hyfryd

7 Rhes Buddug, Bethesda

☎ 602112 (gyda'r nos 602767)

Blodau ar gyfer pob achlysur

Priodasau, Angladdau ayyb
Ffres a Sidan

Gwasanaeth 'Archebu a Danfon'

Arbenigwr mewn lloriau coed caled

A.G.L.
Lloriau

Arbenigwr mewn gosod a
selio lloriau coed caled,
adnewyddu lloriau
gwreiddiol a chyweirio
lloriau sydd wedi eu
difrodi.

Andrew G. Lomozik B.A.

Ffôn: 01248 602117 Symudol: 07835487909

WU SHU KWAN

Bocsio Cic Tsieineaidd (Kung Fu)

Dosbarthiadau
yng Nghanolfan
Gymdeithasol
Tregarth bob
nos Fercher
6.30 tan 8.30

Un sesiwn am ddim os dewch
â'r hysbyseb hwn hefo chi

♦ Croeso i bawb, yn arbennig dysgwyr ♦
Manylion gan Jake neu Elena
Fitzpatrick - 01248 602416
neu galwch heibio'r dosbarth

TEMPLE MORRIS A'I FAB

Pob Math o Waliau Cerrig,
Ffensio, Tarmacio a Thirlunio.
Gwaith gyda peiriant tyrchu bach.

07770 900531

01248 600282

jtemplemorris@btinternet.com

BYSUS
D. J. Owens
RHWLAS

01248 361044 a 07771 634195



BYSUS O 25 I 57 SEDD AR GAEL AR GYFER
EICH HOLL ANGHENION TEITHIO -
TRIPIAU, PRIODASAU, PARTIÖN AC ATÍ.

Bysus Gwyrdd Rhlwlas

GWASANAETH LLEOL, TRADDODIADOL A DIBYNADWY
SEFYDLWYD 1997 PERCHENNOG: DERFEL OWENS

Modurdy Central

M.O.T. ar gael
Hefyd

Trwsio a Gwasanaeth

Ar Allt Pen-y-bryn, Bethesda

☎ 601031

Sefydlwyd

1969

m.hughes
a'i fab

CONTRACTWYR TOI
2 Hen Aelwyd, Bethesda

☎ 600633

☎ (symudol) 07702 583765

*Arbenigo mewn gwaith ffelt a pitsio.
Hefyd toeau llechi a gwaith yswiriant.
Gadewch i ni gynnig pris rhesymol am
waith diguro.*

Cerbydau Penrhyn

CABIAU A BYSIAU MINI

Ffôn: (01248) 600072

Meysydd awyr ♦ Porthladdoedd
Contractau

Contractwyr i Wasanaeth
Ambiwlans Gogledd Cymru

CHRIS GRIFFITHS

Trwsio ffenestri upvc, drysau,
cloeau, bachau, twll llythyrac ac
unedau gwydr wedi chwythu



18 Mill Lodge
Llandegfan
Ynys Môn
LL59 5YB

☎ 01248 713 369 neu 07813 455653

Elwyn Jones & Co

hefyd yn masnachu fel

Parry Davies Clwyd-Jones & Lloyd LLP

- Cyfreithwyr -

123 Stryd Fawr
Bangor
Gwynedd
(01248) 370224

*Ar gyfer eich holl anghenion cyfreithiol
Gwasanaeth dwyieithog personol a chyfeillgar*

Swyddfeydd eraill:

Llangefni (01248) 723106	Amlwch (01407) 831777	Benllech (01248) 852782
------------------------------------	---------------------------------	-----------------------------------

Caernarfon (01248) 673616	Pwllheli (01758) 703000
-------------------------------------	-----------------------------------



Torri Gwalltiau
Dynion a Phlant
gan Alison

MODURDY FFRYDLAS



Profion
M.O.T.

Perchennog
A. LI. Williams

Stryd Fawr, Bethesda
♦ PROFION M.O.T. ♦

GWASANAETH ♦ ATGYWEIRIO
♦ TEIARS A BATRIS ♦
GWASANAETH TORRI I LAWR
NEU DDAMWAIN

☎ 600723
Ffacs: 605068

Ysgol Abercaseg



Cael hwyl gyda'r hen deganau

Hen deganau

Fel rhan o waith thema'r tymor, gwahoddwyd Gwenda Williams o'r Archifdy i arddangos hen deganau ac i sgwrsio gyda'r plant amdanynt. Daeth ag amryw o hen ffefrynnau fel y gwn pop, y caleidosgop a'r pypedau clwt ac roedd y plant wrth eu boddau'n cael tro ar yr hen deganau traddodiadol. Ar un adeg, bu bron i bawb neidio allan o'u crwyn wrth glywed sŵn taranllyd y ragarug yn atsain dros y neuadd cyn chwerthin llond eu boliau wrth sylwi beth oedd yn creu y fath dwrw! Mae'r ymweliad wedi ysgogi trafodaeth brwd am y math o deganau oedd gan blant ers talwm i gymharu â rhai heddiw, ac wedi annog y plant i ymholi gartref am hoff deganau eu rhieni a'u neiniau a'u teidiau.

Clybiau ar ôl ysgol

Mae'r clybiau ar ôl ysgol wedi ailgychwyn gydag aelodau Clwb Celf yr Urdd yn brysur yn cynllunio a chreu delweddau ar y thema 'Perthyn'. Mae Clwb TGCh hefyd ar gael i Bl 1 ar brynhawn Mercher lle mae'r plant yn creu eu llyfrau darllen eu hunain, ac ar yr un prynhawn mae plant Bl 2 yn cael siawns i baratoi bwydydd iach yn y Clwb Coganio. Gobeithiwn wahodd rhieni a gwarchodwyr i mewn yn ystod y sesiynau olaf i gael blas ar yr hyn y mae'r plant wedi bod yn ei wneud yn y gwahanol glybiau.

Sioeau Techniquet

Cafodd y plant fodd i fyw cyn gwyliau'r hanner-tymor wrth weld nid yn unig un sioe gan gwmni Techniquet ond dwy! Canolbwyntiodd y sioe gyntaf ar baratoi parti pen-blwydd i Delyth y ddraig gan roi siawns hwyliog i'r plant ymarfer eu sgiliau rhifedd wrth ddatrys problemau. Yna, ar y diwrnod olynol cyfrannodd pawb yn frwdfrydig i'r gweithdy cerdd drwy ymchwilio i wahanol ddulliau o gyfansoddi cerddoriaeth.

Disgo Gwisg Ffansi

Roedd y neuadd yn llawn lliw a llun pan roddodd pawb eu dillad arferol ar un ochr a gwisgo i fyny ar gyfer y disgo Gwisg Ffansi. Yn wir i chi, roedd hi'n sialens i'r staff ar adegau adnabod pwy yn union oedd yn cuddio o dan y colur dychmygol a'r gwisgoedd bendigedig! Mwynhaodd pob plentyn y cyfle i ymlacio a chael hwyl gyda'u ffrindiau yn dawnsio ac ymuno yn y gemau.

Ffarwelio

Ar ôl blynyddoedd o wasanaeth ffyddlon i Ysgol Abercaseg, roedd hi'n anodd dweud ffarwél wrth Mrs Freda Adams wrth iddi ymddeol o'i swydd fel glanhawraig yr ysgol. Rydym yn diolch o galon iddi am ei gwaith caled dros y blynyddoedd yn sicrhau fod pob twll a chornel yn sgleinio fel swllt ac yn dymuno adferiad buan ac iechyd da iddi yn ei hymddeoliad.

Marian gegin ar y radio

Efallai i rai ohonoch glywed Anti Marian, cogyddes yr ysgol, yn cael ei chyfweld gan Heledd Cynwal ar Radio Cymru yn ystod 'Wythnos Genedlaethol Cinio Ysgol'. Bu'n trafod hoff brydau cinio disgyblion yr ysgol yn ogystal a'r math o brydau yr oedd hithau'n ei gael yn yr ysgol pan yn blentyn. Yn sicr, roedd hi'n sgwrs ddiddorol iawn. Llongyfarchiadau Anti Marian- roeddem i gyd yn teimlo'n falch iawn ohonoch.

Cwmni Drama'r Frân Wen

Bu plant Blynyddoedd derbyn, 1 a 2 yn ffodus iawn o gael cymryd rhan mewn gweithdy gan gwmni Frân Wen i ddatblygu eu sgiliau

creadigol. Roedd pawb wedi ymgolli'n llwyr yn eu 'Byd dychmygol personol' ac wedi mwynhau'r profiad yn fawr iawn.

Plant mewn angen

Rhai da yw Sgwad Syniadau Ysgol Abercaseg am fynd ati'n ddiflino i gynnal gweithgareddau i gasglu arian tuag at achosion ac elusennau niferus. Yn ddiweddar, bu iddynt benderfynu trefnu diwrnod o gael pawb yng wisgo dillad eu hunain gan dalu dirwy am y fraint. Roedd yr arian a gasglwyd yn mynd tuag at 'Blant Mewn Angen'.

Peryglon Tân

Yn ddiweddar daeth Mr Owen, Swyddog Addysg gyda Gwasanaeth Tân Gogledd Cymru draw i'r ysgol i roi cyflwyniad i blant blwyddyn 2 ar bwysigrwydd larymau yn y cartrefa pheryglon tân. O wrando ar ymatebion brwdfrydig, roedd yn amlwg fod pawb wedi gwrandao a deall y prif negeseuon. Hoffem ddiolch yn fawr iddo am drosglwyddo negeseuon pwysig mewn modd arddull hwyliog a diddorol ac am roi'r cyfle i bawb gael gwisgo ei helmed diffoddwr tân!

Llwyddiant yn Eisteddfod Dyffryn Ogwen

Llongyfarchiadau mawr i'r holl ddisgyblion a fu wrthi'n brysur yn perfformio a chystadlu yn Eisteddfod Dyffryn Ogwen. Bu i lawer brofi cryn llwyddiant wrth gystadlu gyda'r llefaru, canu, gwaith celf ac llawysgrifen. Cafodd genethod blwyddyn 2 brofiad gwerth chweil hefyd wrth gyfarch ennillwyr y prif gystadlaethau llenyddol ar y nôs Wener ar ffurf ddawns werin- gwyh iawn! Da iawn i bawb am gymryd rhan a chefnogi'r Eisteddfod.



Dawnswyr Gwerin Abercaseg

Ysgol Dyffryn Ogwen

Eisteddfod Dyffryn Ogwen

Llongyfarchiadau i holl ddisgyblion yr ysgol a fu'n cymryd rhan yn Eisteddfod Dyffryn Ogwen yn ddiweddar. Llongyfarchiadau yn arbennig i Elin Cain a enillodd Dlwys yr Ifanc. Yn y gystadleuaeth gorawl daeth Côr Hŷn yr ysgol yn ail, gan guro Côr Meibion y Penrhyn! Yn y gystadleuaeth i ysgolion uwchradd i gyflwyno rhaglen o adloniant hyd at 8 munud, daeth côr yr ysgol yn drydydd.

Dyma'r canlyniadau yn y cystadlaethau llenyddol eraill : Blwyddyn 10 ac 11 – 1af Martha Glain, 2il Esme Crowe; Blwyddyn 7-9 – 1af Ella Baker, 2il Beca Nia, 3ydd Osian Sanderson.

Diolch hefyd i'r disgyblion fu'n cymryd rhan yn yr orsedd yn y prif seremoni, ac yn arbennig felly i'r ddwy archdderwydd, Rhiannon Llwyd a Manon Hughes, am waith graenus iawn. Bu nifer o ddisgyblion hefyd yn llwyddiannus yn y cystadlaethau llenyddol.

Diolch i Mr Hefin Evans am hyfforddi'r eitemau cerddorol, ac i Mr Dafydd Roberts a Miss Jeni Lyn Morris gyda'r orsedd a'r cystadlaethau llên.

Taith Gerdded

Bu disgyblion blynyddoedd 7 i 10 yn cymryd rhan mewn taith gerdded nodedig er mwyn codi arian ar gyfer cost bysus yr adran Addysg Gorfforol. Roedd y tywydd yn sych diolch byth a cherddodd y disgyblion o Lyn Ogwen ar hyd y lôn Las yn nol i'r ysgol – taith o oddeutu 5 milltir. Hyd yma mae £1,000 wedi'i gasglu a bydd yr arian yn mynd i brynu offer newydd a sicrhau bod disgyblion yr ysgol yn medru parhau i gystadlu ar lefel sirol a chenedlaethol mewn nifer fawr o chwaraeon. Hoffai'r adran ddiolch o galon i bawb â gyfrannodd.

parhad ar y dudalen gefn...

Contractwyr Trydanol

Jones & Whitehead Cyf

Swyddfa Gofrestredig
Penrall, Tregarth, Bangor, Gwynedd, LL57 4AU

Ffôn: 01248 601257
Ffacs: 01248 601982

E-bost: info@jonesandwhitehead.co.uk



OWEN'S TREGARTH

Cludiant Preifat a Bws Mini



Cerbydau 4, 8 ac 16 sedd
Arbenigo mewn meysydd awyr

01248 602260
07761619475



www.owenswales.co.uk

Sesiynau Siarad i Ddysgwyr

11.00 -12.00, Ail Ddydd Sadwrn bob mis ym
Marchnad Ogwen

11.00 -12.00, 4ydd Dydd Sadwrn bob mis yng Nghaffi
Fitzpatrick's

Am fwy o wybodaeth neu i wirfoddoli yn y sesiynau
siarad, cysylltwch â Meleri ar 01248 602131



Proffesiynol, diogel a chyfrinachol

LLEDDFU POEN Cefn, cyhyrau, esgryn,
cymalau, a thensiwn cur pen

Eli Lichtenstein

© 07743373895 Ogwen.Physical.Rehab@gmail

Chwilio am ofod swyddfa/siop ar
Stryd Fawr Bethesda?
Gofod Siop, Swyddfa neu Weithdy
yn awr ar gael.

Ystafell gyfarfod Swyddfa Ogwen
Ar gael i'w llogi yn awr
telerau cymunedol ffafriol.

Ymholiadau - 01248 602131
partneriaeth@ogwen.org

I hysbysebu yn y Llais neu i dynnu
sylw at eich gweithgareddau yn yr
ardal, gan gynnwys
Dyddiadur y Dyffryn,
cysylltwch â'r
Trefnydd Hysbysebion:

Neville Hughes, 14 Pant,
Bethesda LL57 3PA
☎ 600853



Alun Ffred Jones
Aelod Cynulliad
Etholaeth Arfon

CYMORTHFEYDD

Os oes gennych fater yr hoffech ei
drafod gyda'ch AC mewn cymhorthfa,
yna cysylltwch ag o yn ei swyddfa ym
Mangor neu yng Nghaernarfon

Swyddfa Etholaeth, 70 Stryd Fawr, Bangor, LL57 1NR
☎ (01248) 372 948

Swyddfa Etholaeth, 8 Stryd y Castell, Caernarfon, LL55 1SE
☎ (01286) 672 076

alunffred.jones@cymru.gov.uk



YR IARD, Ffordd Stesion, Bethesda,
Gwynedd LL57 3NE
ebost: sales@jrscaffolding.co.uk

Ffôn/Ffacs:
01248 601754
07770 568743 (symudol)



Clwb Criced a Bowlio Bethesda

Lon Newydd, Bethesda, Gwynedd, LL57 3DT

Lleoliad Gwych ar Gyfer Pob Achlysur

Cyfeusterau Gwych ar gael i Fudiadau,
Cymdeithasau a Thrigolion

Partion, Bedydd, Cyfarfodydd, Gigs,
Digwyddiadau, Cynhadleddau, Prioddesau a llawer
mwy...

Dyddiau ac amseroedd hyblyg ar gael ar gyfer
llogi'r Clwb a Prisiau rhesymol

Oriau Agor:

Sul: **Ar Gais**
Llun: **Ar Gais**
Mawrth: **Ar Gais**
Mercher: **Ar Gais**
Iau: **8-12**
Gwener: **7-12**
Sadwrn: **7-12**


Cyfeusterau: 3 ystafell Fawr / 2 Iar / Llwyfan / Cegin, gyda chylfaer / Digin a le parclo / Swcet a Pêl

Manylion Cyswllt: Ffôn: (01248) 600833, E-bost:
cricedbethesda@outlook.com

MODURON PANDY Cyf.

MOT Diesel a Chatalydd
Atgyweirio MOT
Gwasanaethu Cerbydau
Cydbwyso Teiars
Batris
Tracio

01248 600619



moduronpandy@yahoo.com
www.moduronpandymotors.co.uk

Tregarth, Bangor,
Gwynedd LL57 4AY



Hywel Williams
Aelod Seneddol
Etholaeth Arfon

CYMORTHFEYDD

Os oes gennych fater yr hoffech ei
drafod gyda'ch AS mewn cymhorthfa,
yna cysylltwch ag ef yn ei swyddfa
ym Mangor neu yng Nghaernarfon:

Swyddfa Etholaeth, 70 Stryd Fawr, Bangor, LL57 1NR
☎ (01248) 372 948

Swyddfa Etholaeth, 8 Stryd y Castell, Caernarfon, LL55 1SE
☎ (01286) 672 076

williamshy@parliament.uk

Ymweliad Blwyddyn 6

Bu holl ddisgyblion blwyddyn 6 o'r ysgolion cynradd, yn yr ysgol am ddiwrnod yn profi amrywiaeth o wersi. Yr oedd yr athrawon o'r ysgolion cynradd yn hael iawn eu canmoliaeth i'r ddarpariaeth.



Criw blwyddyn 6 yn mwynhau!

Bocsys Esgidiau ‘Teams4U’

Casglwyd nifer helaeth o focsys esgidiau Nadoligaidd yn yr ysgol ar gyfer yr elusen ‘Teams4U’ sy’n rhannu anrhegion i blant anghenus yn bennaf yng ngwledydd Dwyrain Ewrop . Roedd pob boc yn llawn i’r ymylon ag amrywiaeth o anrhegion yn deganau, da-da, cyfarpar ysgrifennu, llyfrau a sebonach! Sicrhodd disgyblion blwyddyn 8 a rhai o flwyddyn 12 fod y bocsys yn barod i’w casglu gyda’r cyfraniad ariannol angenrheidiol ynddynt. Er hyn, heb eich cymorth a’ch cefnogaeth chi fel rhieni ni fyddai’r ymgyrch hon wedi bod yn llwyddiant, diolch o galon i chi am eich cefnogaeth unwaith eto!



Disgyblion Bl 8 gyda’u bocsys anrhegion.

Gŵyl Gorawl Gogledd Cymru

Bu côr yr ysgol yn cymryd rhan yng Ngŵyl Gorawl Gogledd Cymru ar yr 6ed o Dachwedd yn Venue Cymru, Llandudno. Yn ystod y bore cafwyd gweithdy lleisiol lle cyd-weithiodd y corau i gyd i ddysgu ac yna cyflwyno tair can wahanol mewn dim ond awr o amser paratoi. Ar gyfer y gystadleuaeth cyflwynodd y côr rhaglen amrywiol gan ddechrau gyda threfniant arbennig o 'Harbwr Diogel' gyda chyfraniad unigol gan Stephanie Owen. Bu newid mewn awyrgylch wedyn gyda threfniant o 'Dod ar fy mhen' gan un o'r beirniaid, Mary Pritchard, i gyfeiliant telyn a phiano. Gorffenodd y rhaglen gyda'r gân fywiog 'Law yn Llaw'. Roedd y perfformiad yn un arbennig ac roedd ymroddiad yr aelodau wedi creu argraff dda ar y beirniaid a'r gynulleidfa.

Gwobrau Chwaraeon BBC Cymru

Llongyfarchiadau mawr i Elan Môn Gilford o flwyddyn 12 am gael ei henwebu fel Gwirfoddolwr Ifanc y flwyddyn yng Ngwobrau Chwaraeon BBC Cymru. Cafodd ei henwebu am iddi dreulio dros 400 awr yn hyfforddi mewn ysgolion a chlybiau a hynny mewn popeth o bêl-rwyd i rygbi ac athletau. Mae Elan hefyd yn Lysgennad Chwaraeon ac yn barod wedi ennill sawl cymhwyster hyfforddi. Yn fyddar ers pan yn dair oed, mae Elan yn gwbl ddibynol ar ddarllen gwefusau a defnyddio cymorthion clyw. Er gwaethaf hyn i gyd, does dim byd yn ei rhwystro ac mae’n berson ifanc hynod o frwdfrydig a phositif.

Gymnasteg

Bu nifer fawr o lwyddiannau i ddisgyblion Dyffryn Ogwen ym mhencampwriaethau gymnasteg Ysgolion Eryri ar ddydd Mercher, Tachwedd 25ain yng Nghaernarfon. Roedd dros 450 o ddisgyblion ysgolion Gwynedd, Môn a Chonwy yn cymryd rhan mewn gweithgareddau tymblo a llofnedio. Canlyniadau disgyblion unigol –

Cai Williams (Bl7) ac Erin George (Bl8) – 1af. David Florence (Bl11) – 2ail. Gwen Willimas (Bl7), Daniel Hughes (Bl7), a Sophie Ellis (Bl10) – 3ydd. Bu’r timau’n llwyddiannus iawn hefyd gyda tîm bechgyn canolradd Blwyddyn 7 yn cipio’r fuddugoliaeth yn ogystal â thimau genethod Blwyddyn 8 canolradd a bechgyn blwyddyn 9+ yn dod yn ail. Roedd genethod Bwyddyn 7 canolradd wedi cipio’r 3ydd safle. Llongyfarchiadau mawr iddynt i gyd.

Ar ddydd Sadwrn, Tachwedd 28, bu disgyblion yn cystadlu yn y gystadleuaeth gymnasteg ysgolion Eryri i ddisgyblion sydd mewn clwb, canlyniadau - Catherine Roberts (Bl7) - 3ydd a Beca Nia (Bl9) – 4ydd. Gwych, gwych! Hefyd da iawn i’r tîm gymnasteg ddaeth yn 3ydd drwy Eryri – Lottie Sinfield, Beca Nia, Buddug Roberts, Catherine Roberts, Elin Owen, Anna Williams.

Pêl-rwyd

Llongyfarchiadau i Elan Môn Gilford (Bl12) ac Elin Owen (Bl11) ar gael eu dewis i gynrychioli’r ardal mewn pêl-rwyd. Mae Elan wedi ei dewis i garfan perfformiad uchel (high performance squad) ac Elin i garfan chwaraewyr datblygu (*development squad*) Gogledd Orllewin Cymru.

Pêl-rwyd dan 13: Ysgol Dyffryn Ogwen 3 – 3 St Gerards

Pêl-rwyd dan 15: Ysgol Dyffryn Ogwen 10 – 4 St Gerards

Nofio

Canlyniadau gala Urdd Eryri –
Ras gyfnewid (rhydd) genethod Bl 7 ac 8 - 2ail.
Ras gyfnewid (cymysg) genethod Bl 7 ac 8 - 2ail
Da iawn Beca Jones, Boe-Celyn Jones, Catherine Roberts ac Awel Griffiths.

Canlyniadau unigol:

Catherine Roberts 1af- Pili Pala a Medley Unigol; Esme Crowe 1af Broga a Medley Unigol. Beca Jones 3ydd - Cefn.
Pob lwc i Esme a Catherine sy’n mynd ymlaen i’r genedlaethol yng Nghaerdydd ym mis Ionawr.

Pêl-droed

Llongyfarchiadau i enethod Bl 9 a 10 ar gyrraedd ffeinal twrnament pêl-droed yr Urdd, chwaraewyd chwech gem, curo pump a cholli yn y ffeinal. Roedd 16 o ysgolion yn cymryd rhan.

Mali Rhys, Ceri Williams, Lowri Ford, Sophie Ellis, Cerys Thomas ac Efa Williams



Awel Griffiths, Catherine Roberts, Boe-Celyn Jones, Beca Jones ac Esme Crowe

Chwaraeon



Aelodau o Glwb Shukokai Cymru, Bethesda a fu’n cymryd rhan yng nghystadleuaeth agored Cymru ym Mharc Eirias ar 1af Tachwedd.